

# ბსპლი

# იპერიბ

*Handwritten signature*

საქართველოს ეროვნულ - დემოკრატიული პარტიის  
საზღვარგარეთელი ახალგაზრდობის ორგანო.

**LA NOUVELLE IBERIE**

L'Administration: M-r V. Djibladzé 8, rue Coppel, 8 Paris (13)

მარტი 1939 წ.

**№ 12**

MARS 1939.

მარტი 1939

**პარუპა  
და  
მოსკოვი**

სახელმწიფოთა შორის დამოკიდებულებას უმთავრესად საერთაშორისო ზავის ხელშეკრულება უდევს სარჩულად. თითქმის მთელი ქვეყნიერების საქმეებს და განსაკუთრებით ევროპის ცხოვრებას, ამ უკანასკნელ ხანებში, ვერსალის ზავი განაგებდა. ხოლო ვერსალის ზავი მიუნხენში გარდაიცვალა წარსულ 30 სექტემბერს, დაახლოებით დილის 2 საათზე. ერთა ცხოვრების გეზის მიმდებარე ძველი ჩარჩო დაიმსხვრა და მის ნაცვლად ახალი ზღუდე ჯერაც დამკვიდრებული არ არის. გასაგებია, რომ ასეთ პირობებში საერთაშორისო მოვლენები დიდი სისწრაფით ვრთარდებიან.

ამ მოვლენათა შორის ჩვენთვის განსაკუთრებული ყურადღების ღირსია პოლონეთისა და საბჭოთა რუსეთის დაახლოვების ცდა. რამ გამოიწვია ვარშავის პოლიტიკის ასეთი აბრუნდი და რამდენად არის ეს დაახლოვება შესაძლებელი?

ვერსალის ზავის დამსხვრევის ერთად ერთი მიზეზი, ეს არის გერმანიის მედგარი ბრძოლა ამ ზავის მიერ დამყარებული პირობების წინააღმდეგ. დამყარებული იყო ბევრი ისეთი წესი, რაც პოლიტიკურად გასაგები და ადვილი ასახსნელია, მაგრამ მეოცე საუკუნის მორალით ძლიერ უსამართლო და თვით გამარჯვებულ სახელმწიფოთა პრინციპების წინააღმდეგი. ასეთი იყო, მაგალითად, ავსტრიელებისათვის ერთდროულად აღკრძალვა გერმანიასთან შეერთებისა და ჰაბს-



ბურგთა რესტავრაციის მოხდენისა. ასეთივე იყო აგრეთვე სუდეტების გერმანელთა ძალით მიკუთვნება ჩეხიისადმი. გერმანელების მოთხოვნა ამ კუთხის შემოერთებაზე, იმდენად ბუნებრივი და სამართლიანი იყო, რომ მთავარ, დაინტერესებულ სახელმწიფოებმა ამ საკითხში დასთმეს და ამით დასტური მისცეს ვერსალის ზავის საძირკველს დანგრევას.

შეიძლებოდა ვერსალის ზავის დაცვა, მაგრამ იმ აუცილებელი პირობით, რომ ერთის მხრივ ინგლისსა და საფრანგეთს მათი ერისა და კაცობრიობის წინაშე უსამართლო წესის ომით დაცვის პასუხისმგებლობა აეღოთ, და მეორეს მხრივ, ვერსალის ზავის მოკავშირენი დღესაც მოკავშირეებად გამოსულიყვნენ. მაგრამ 1919 წლიდან დიდი ევოლუცია მოხდა მოვლენათა მსვლელობაში და ამის შედეგად არც ინგლისი და საფრანგეთი იყვნენ განწყობილინი ზემოდ აღნიშნული პასუხისმგებლობა აეღოთ; ხოლო რაც შეეხება მოკავშირეთა დაჯგუფებას, ამას პოლონეთი, იტალია და იაპონია გამოაკლდა. ასეთ პირობებში ევროპის ერთა შორის ურთიერთობა სხვა მსვლელობას ვერ მიიღებდა გარდა მიუნხენში ჩასახული შეთანხმებისა.

მიუნხენის გეზი არის საჯაროდ აღიარება გერმანიის ცენტრალური და აღმოსავლეთი ევროპის მიმართულებით გაქანების დასტურის მიცემისა. მიუნხენის აქტის ბუნებრივი, აუცილებელი და პირველი უშუალო შედეგი იყო ჩეხოსლოვაკიის გერმანიის გავლენის ქვეშ მოქცევა. უმაღლესად განვითარებული მრეწველობის მქონე 80 მილიონიან გერმანიას ჩეხიის ორი მტკაველი ტერიტორია, ეროვნული გაქანების თვალსაზრისით, მხოლოდ ერთ ვადასადგამ ნაბიჯის მანძილად თუ ეყოფა. ვერსალის ზავის დამოხზის შემდეგ თუ ვინმე ჰფიქრობდა, რომ ბოჰემის ზღუდის გადალახვის შემდეგ, შეიძლებოდა გერმანიის გაქანების კარპატებზე შეჩერება, დღეს ასეთი ილუზია, აღმათ არაფისა აქვს შერჩნილი. გერმანიას მისი გავლენის გადიდების ძებნაში მხოლოდ ორი გზა შეიძლება ჰქონოდა: ან განეგრძო ბრძოლა საფრანგეთის და ინგლისის წინააღმდეგ და ამ მიზნით, როგორც ეს ბისმარკს ჰქონდა წარმოდგენილი, რუსეთთან შეთანხმების გზა მოეძებნა; ან კვლავ აეღო, ერთი ხნით მიტოვებული ძლიერ ძველი გზა სლავიანთა და გერმანელთა ერთმანეთთან ქიშპობისა, და მამასადამე, მისი გაქანების მიმართულება ინგლის-საფრანგეთთან როგორიმე სახით შეთანხმების შემდეგ, რუსეთისაკენ მიემართა. პირველი გზა უფრო მძიმე და სახიფათო ვასავლელია. ნაკლები წინააღმდეგობის კანონის მიხედვით, გერმანიამ, დღეს დღეობით, მეორე გზა შეარჩია. ჩეხია — ეს მხოლოდ დასაყრდნობი პუნქტია გერმანიის ბრწყინვალე ძლიერების კაშკაშებისა.

მიუნხენის შეთანხმებამ, დიდი ხნით, გერმანიის ძალთა დენას აღმოსავლეთის მიმართულება მისცა. ჩეხიის იქით გერმანიის გავლენის გაძლიერებას პირდაპირ და უშუალო შედეგად მოჰყვება პოლონეთის, რუმინიის და რუსეთის პოლიტიკური ინტერესების შეილანვა. ყველამ იცის, რომ გერმანიის ნაციონალისტურ ხელისუფლებას მიზნად აქვს, რაიმე სახით რუსეთის ბაზრის დაუფლება და იქ მისი გავლენის დამკვიდრება. ამ მიზნის მისაღწევად ერთ-ერთი საშუალებათაგანი — და არა ერთად ერთი — შეიძლება იქნეს საბჭოთა რუსეთის დანაწილება და კერძოდ, დამოუკიდებელი უკრაინის შექმნა.

გერმანულ წრეებში ასეთი გვეგის არსებობის შესაძლებლობა აშკარა და თვალსაზრისით გახდა სუბ-კარპატული უკრაინის შექმნის შედეგად. ხოლო რომ შესაძლებელი გახდეს, ამისათვის აუცილებელ საჭიროებას წარმოადგენს უკრაინელებით დასახლებული გალიციის და ყოფილი ვოლინის გუბერნიის, პოლონეთის ტერიტორიიდან ჩამოშორება. ეს მხარე — ხუთ მილიონზე მეტი უკრაინელი და სივრცით დაახლოებით 80 ათასი კვ. კილომეტრი — თავისი სამოსახლვრო მდგომარეობით რუსეთის წინააღმდეგ მოხერხებული მოქმედების წამოსაწყობათ ბუნებრივი პუნქტია. ბუკოვინა, ე.ი. რუმინიაში მოყოლილი უკრაინის ნაწილი, ამ მხრივ უფრო ნაკლებ ინტერესს წარმოადგენს. გალიციის დაკარგვის შიშია იმის მიზეზი, რომ ვარშავის დიპლომატიამ ასე სწრაფად და თეატრალურად მოსკოვს გაუწოდა ხელი.

ჩვენ არ გვეღონია რომ პოლონეთისა და საბჭოთა ხელისუფლების მოლაპარაკებას შეეძლოს, ან შედეგად მოჰყვეს გერმანიის აღმოსავლეთისაკენ გაქანების შეჩერება. არა ერთხელ აღგვინიშნავს რომ საბჭოთა ჯარი ყოველგვარ სამხედრო ღირებულებას მოკლებულია. ამ სისუსტის მიზეზი და წყარო საბჭოთა რეჟიმის ბუნებიდან მომდინარეობს. მაშასადამე, ვიდრე რუსეთში წესწყობილების სისტემა არ შეიცვლება, მასთან კავშირი და ამ კავშირით რაიმე რაელური ძალის შექმნა მხოლოდ ფანტაზიის ფარგლებში შეიძლება ადამიანმა წარმოიდგინოს. პოლონეთმა ეს კარგად იცის და ამიტომ ვფიქრობთ ვარშავის მიერ გადაგმული ნაბიჯი უფრო დიპლომატიური მანიევრია, ვინემ რეალური სამხედრო ზღუდის შექმნის სურვილი.

გერმანიამაც იცის პოლონეთის და რუსეთის შესაძლებელი კავშირის ეს სუსტი მხარე. მაგრამ ეს არ ნიშნავს, რომ ის ამჟამად და აუცილებლად სამხედრო მოქმედების გზას დაადგება დამოუკიდებელ უკრაინის შექმნისათვის. აღმოსავლეთ ევროპაში რომ სამხედრო მოქმედება უზრუნველყოფილი იქმნეს, საჭიროა რომ გერმანიას დასავლეთის საზღვრებზე არავითარი გართულება მოელოდეს. ამისათვის, ვიდრე ის აღმოსავლეთ ევროპაში აქტიურ მოქმედებაზე გადავიდოდეს, მას სჭირია დასავლეთის, ხალხთა შორის როგორიმე სახით ფაქტიურ შეთანხმებას მიადგინოს. ხოლო ეს მიზანი ჯერ მიღწეული არ არის და გერმანიამ რომ გალიცია დაიკავოს სამხედრო ოკუპაციის წესით, თუნდაც უკრაინისაკენ გზის შოვნის მიზნით, ჩვენის აზრით ამ ჟამად ასეთ სამხედრო აქტს საერთაშორისო ომი მოჰყვება, სადაც საფრანგეთი, ინგლისი და, ალბათ ამერიკაც პოლონეთისა და რუსეთის მოკავშირე იქნებიან. ამიტომ არ არის, მოსალოდნელი, რომ ასეთი ნაბიჯი ბერლინის მთავრობამ ეხლა გადასდგას. ყველა ამ მოსაზრებით, ჩვენ გვეღონია, რომ ამდროულად გერმანია, ომის ნაცვლად, უფრო დიპლომატიურ და პოლიტიკურ მოქმედებას განაუთარებს, მისი საბოლოო საერთაშორისო მიზნების მისაღწევად ხელსაყრელი პირობების შექმნის სურვილით.

სლავიანთა და გერმანელთა ძველის ძველი ბრძოლა და ქიშპი განახლების გზას ადგება, ახალ ფაზაში შედის და ახალ სახეს ღებულობს. გერმანიის პირველ იმპერიამ, ამ გზას თითქმის ზურგი უბრუნა და რუსეთთან შეთანხმების მიღწევა სასურველად აღიარა. ბისმარკის შენედულებით საკმარისი იყო ბერლინისა და პეტერბურგს შორის თანხმობის არსებობა, რომ მსოფლიოს ჰეგემონია ამ ორ ქვეყანას და



ეუფლა. მაგრამ რკინის კანცლერის აზრი მესამე იმპერიის მიერ დაწესებული და უკუგდებული მოსჩანს. თუ რა სახეს მიიღებს სლავიანთა და გერმანელთა შორის განახლებული ქიშპობა, ეს ჯერ კიდევ მომავლის საკითხია. აღენიშნავთ მხოლოდ, რომ ამ პრობლემის განვითარების სახე ბევრნაირად არის დამოკიდებული ოთხთა შეთანხმების პროექტის განაღდებისა თუ დამარცხებისაგან.

ის გარემოება რომ დღეს გერმანია ომს ვერ ან არ დაიწყებს უკრაინის საკითხის გამო, საკმარისი არ არის რომ პოლონეთმა ყოველგვარი საფრთხე აცდენილად იგულისხმოს. მას სჭირია ყოველგვარი ზრუნვა მომავალი და თითქმის აუცდენელი საფრთხისაგან თავის არსებობის უზრუნველსაყოფად. ამიტომ რაც დრო ფავა პოლონეთი უფრო იძულებული გახდება რუსეთის მთავრობასთან მჭიდრო კავშირი იქონიოს, რადგან სუსტი მოკავშირის ყოლა უკეთესია, ვინემ ძლიერ მეზობელთან ბრძოლაში მარტო დარჩენა.

უკრაინის საკითხის გადასაჭრელად შეიძლება წარმოვიდგინოთ კიდევ ერთი გამოსავალი, რომელიც აზროვნებით ყველაზე უფრო გონივრულია, მაგრამ პოლიტიკურად პოლონეთისათვის ცოტა მძიმედ დასათმობი. მაგალითად, შეიძლება ინგლის - საფრანგეთის თანაგრძნობით, გერმანია და პოლონეთი შეთანხმდნენ ანტიკომუნისტური მოქმედებისათვის და ამ შეთანხმებას მიეცეს ისეთი სახე, რომ პოლიტიკურად პოლონეთი უზრუნველყოფილი იქმნეს, ხოლო გერმანიამ მისი ეკონომიური მიზნები გაინახლოს.

ამ შემთხვევაში შეიძლება პოლონეთს დასჭირდეს მცირე ტერიტორიალური მსხვერპლის გაღება, მაგრამ სამაგიეროდ შეიძლება მას მეზობლად ბოლშევიზმისაგან განთავისუფლებული რუსეთი ან პოლიტიკურად დამოუკიდებელი უკრაინა ეყოლოს, რაც მისი სახელმწიფოებრივი თავდაცვისათვის მომავალში ერთობ დიდი მნიშვნელობის ფაქტორი იქნება. მას შემდეგ რაც ვარშავის დიპლომატიამ ჩვენსოვთაგანის დასუსტებას ხელი შეუწყო და ამ საკითხში გერმანიის მხარე დაიჭირა, ლოღიკური იქნება რომ პოლონეთის მთავრობამ უკრაინის საკითხში დასთმოს ის, რაც ბუნებრივი შედეგია მისი მონაწილეობით და დასტურით შექმნილი მიზნისა. ხოლო თუ ბოლშევიზმის ან უკრაინის საკითხი გერმანია და პოლონეთის შეთანხმებით გადაწყდა, ეს დიდ სარგებლობას მოუტანს ევროპულ ცივილიზაციას და ჩვენი ტანჯული სამშობლოც მისი შელახული უფლების აღდგენას შესძლებს.

**პროფ. მიხეილ წერეთლის იუბილუ**

„ახალი ივერია“ რედაქცია მხურვალედ ესალმება მცხოვან იუბილიარს, საქართველოს თავისუფლებისათვის უდრეკ მებრძოლს პატივცემულ ბ-ნ მიხეილ წერეთელს და წრფელი გულით უსურვებს მას დღეგრძელობასა და ქართველი ერის დიდების სადარაჯოზე, მომავალშიაც ძველებურ სიმხნევებს.

23 დეკემბერს 1938 წ. ბ-ნ მიხეილ წერეთელს შეუსრულდა 60

წელი, რაც, ბუნებრივად, გვიხმობს შევჩერდეთ მის პიროვნებაზედ. იუბილიარს მრავალმხრივი მოღვაწეობა ამკობს: მეცნიერული და პოლიტიკური. მეცნიერებაში იუბილიარი ფილოლოგია და უფრო ასირიოლოგი. შესამჩნევია მისი გამოკვლევა ურარტულისა და სუმერულისა, რომლის ნათესაობა ქართულთან მან უკეთესად დაასაბუთა ვიდრე სხვებმა. მისგან მოველით ამ საგანზე კიდევ უფრო ვრცელსა და ვადამწყვეტ ნაწარმოებს, რომელიც მას ჯერ დამთავრებული არა, მაგრამ ჩამოყალიბებული აქვს შავად. საგულისხმოა აგრეთვე მისი ხელნაწერად დამთავრებული ნაშრომი „ვეფხისტყაოსანზე“, რომლის შესახებ ჩვენს ლიტერატურაში, ჯერ-ჯერობით, საუკეთესო ნარკვევია პ. ინგოროყვას შრომა, როგორც პრობლემატიკისა, ისე შედეგების მხრივ. მეორე ნაშრომაა ზ. ავალიშვილისა, რომელიც სასურველად ავსებს შ. რუსთველის გარშემო მასალას ევროპის ლიტერატურიდან, მაგრამ შეიცავს მეტად უხეშ და მძიმე შეცდომათ, რომელნიც ავტორს მეტად ამორებს შოთას, ვაგებას როგორც მფონისა და პოეტის უსრულეს იდეალებს. ეს შეცდომანი რაც მალე გასწორდება მით უკეთესი იქნება ავტორისათვის. „ვეფხისტყაოსანზე“ აქვს ახალი ნაშრომი მ. წერეთელსაც და ჩვენ მოველით მისგან ამ დარგშიც რაიმე ახალს.

კიდევ უფრო შინაარსიანია პოლიტიკური მხარე იუბილიარის მოღვაწეობისა. პირველი რევოლუციიდან მოყოლებული ის ენერგიული მებრძოლია ეროვნული აზრისათვის, სხვა და სხვა საშუალებებით, მაგრამ მუდამ ერთი მიზნისაკენ იყო მიმართული მისი მოღვაწეობა: ეროვნული განთავისუფლებისაკენ. იუბილიარი ეკუთვნოდა იმ ქართველ ემიგრანტთა ჯგუფს, რომელიც დროგამოშვებით შეიცავდა ვარლამ ჩერქეზიშვილს, გ. დეკანოზიშვილს, პეტრე სურგულაძეს და სხვ. მებრძოლთ. მთავარი დედა-აზრი ამათი პოლიტიკური გეზისა არის საქართველოს პოლიტიკური განთავისუფლება ევროპიულ ძალებზე დაყრდნობით. ჩვენ განსაკუთრებით ამ მთავარ თვისებას ვაუსვამთ დღეს ხაზს. ეს აზრია ძირითადი ტრადიცია ქართული პოლიტიკის განსაკუთრებით თეიმურაზ პირველის დროიდან. თუ რამდენად ძლიერი იყო ეს აზრი მეფობის დროსაც, ამის საუკეთესო საბუთია შემდეგი ფაქტი: 1783 წელს, ტრაქტატის რატიფიკაციის შემდეგ პოტიომკინი ესტუმრა მეფე ერეკლეს. მან ცოტა ხნის შემდეგ მეფეს უთხრა: ქართლი გადაეცით ცარს, დაიტოვეთ კახეთი და ფულად მოგაქცემათ იმდენი, რაც აქამდე ქართლიდან შემოგდიოდათო. მეფემ დიდად შეწუხებულმა განირიდა დიდი ხელმწიფის რწმუნებული და განუტევა უპასუხოდ. მეფეს შემდეგ რამდენიმეჯერ ჰქონდა შემთხვევა ტრაქტატი გაეუქმებინა, მაგრამ არა ჰქნა, რადგან მესამე ძალის, ევროპიულ ქრისტიანულ კულტურის ძალის დაკავშირება, აზიურ საფრთხეთა გამო, აუცილებლად მიაჩნდა. ეს ტრადიცია ჩვენი მეფეთა პოლიტიკისა, განვავრძეთ ქართველმა ნაციონალისტებმა წარსულის შეცდომათა გამოსწორებით. ჩვენი მიმართულების მიზანი იყო უშუალო, პირდაპირი კავშირი ევროპასთან, მის ძალასთან და მის კულტურასთან. ამ მიზნით ბრძოლაში ერთად მოგვხდით ჩვენი მიმართულება და იუბილიარი, რომელიც ჩვენი იდეური და პოლიტიკური მეგობარი იყო და არის დღესაც. ჩვენ გვაერთებს მასთან ურყევი რწმენა იდეისა და პოლიტიკური მიზნების იგივეობა.

იუბილიარი ქართველია არა მარტო სიტყვით, არამედ აზროვნე-



ბით, განცდით, რწმენით, გრძნობით — მთელი არსებით. იუბილიარი ოფიციალურად სხვა დაჯგუფებას ეკუთვნის, მაგრამ იდეურად და პოლიტიკურად ის ქართველობის იდეისაა, ე.ი. ეკუთვნის მთელ საქართველოს. ეს ჩვენც გვავალებს, იუბილიარს გულწრფელ მეგობრობით მივესალმეთ. უსურვებთ მას დღეგრძელობას და ჯანმრთელობას და ძველებურ აქტივობას საქართველოს განთავისუფლების საქმეში, რომ ის თავისუფალ სამშობლოში მონაწილე გამხდარიყოს ერის ბედნიერების.

ტ. მარგველაშვილი

## მ რ ო ვ ნ უ ლ ი მ ო ქ მ ე დ ე ბ ა

წინა ნომერში\*) ჩვენ გავარკვევთ ქართული ემიგრაციის ეროვნული ხასიათი და მისი დანიშნულება. მას შემდეგ ბევრ მოვლენას ჰქონდა ადგილი როგორც საერთაშორისო პოლიტიკის ასპარეზზე, ისე ქართული ემიგრაციის საშინაო ცხოვრებაში. ამ მოვლენებთან დაკავშირებით ჩვენ დღეს განზრახვა გვაქვს განვიხილოთ თუ როგორი უნდა იყოს, ჩვენის შეხედულებით, ემიგრაციის ეროვნული მოქმედება.

ქართველი ემიგრაცია მოწყვეტილია საქართველოს მიწა-წყალს და სამშობლოს პოლიტიკურ სინამდვილეს. მიუხედავად ამისა ის განაგრძობს სამშობლოს განთავისუფლებისათვის მოქმედებას. საქართველოს განთავისუფლება შეიძლება მოხდეს მხოლოდ ორ შემთხვევაში: პირველი შემთხვევა — შესაძლებელია რომ რუსეთში ბოლშევიკური ხელისუფლება დაიმსხვრეს, როგორც შედეგი შინაურ ძალთა ბრძოლისა საბჭოთა მფლობელობის წინააღმდეგ და ამას მოჰყვეს საბჭოთა კავშირის შემადგენელ ეროვნებათა სახელმწიფოებად დაყოფა. ამ შემთხვევაში შეიძლება საქართველომაც, სხვებთან ერთად, დამოუკიდებლობა მიიღოს. ეს მოვლენა, თუ მას ადგილი ექმნა, მოითხოვს როგორც გარდაუვალ პირობას, რომ გეგმის შემსრულებელი პირნი თითონ რუსეთში იმყოფებოდნენ და მათი მოქმედება განავითარონ საბჭოთა პოლიტიკურ წრეებში, რათა შესაძლებელი გახდეს ამ წრეებში არსებულ პოლიტიკურ ინტერესთა წინააღმდეგობების გამოყენება მთელ რუსეთის სივრცეზე. ასეთ მოქმედებას რომ გამარჯვების შანსი ჰქონდეს, მას სათავეში უნდა ედგას თვით ველიკოროსების და უკრაინელების წარმომადგენლობა. ხოლო ეროვნული, ადგილობრივი ხასიათის აჯანყებით, ჩვენი სამშობლო რუსეთიდან თავს ვერ განთავისუფლებს და ამიტომ აჯანყების მოწყობა საქართველოში, ეროვნული თვალსაზრისით, აშკარად მანებელი და კატეგორიულად უარსაყოფი საშუალებაა. ჩვენ იმედი გვაქვს, რომ მიუხედავად არსებობის ჯოჯოხეთური პირობებისა, ქართველ ერს აღმოაჩნდება საკმაო სულიერი სიღინჯე და სიბრძნე, უცაღოს თვით რუსეთში ძალთა

\*) მეთაური და ეს წერილი უკვე აწყობილი გქონდა გასული წლის დეკემბერში, და მაშასადამე, შემდეგ მომხდარ მოვლენებს აღარ ეხება. რედ.

შინაურ განვითარების ერთმანეთთან დაჯახებას და თავიდან აიცილნოს ბუმბერაზ მტერთან უთანასწორო და თავგანწირულ ბრძოლაში ჩაბმა. რაც შეეხება ამ საკითხისადმი ეროვნული ემიგრაციის დამოკიდებულებას, ჩვენ არა გვგონია, რომ რომელიმე ჭკუათამყოფელი ადამიანი დასაშვად სცნობდეს საქართველოში აჯანყების მოწყობის შესაძლებლობას. ამ რიგად, რუსეთის შინაური ძალთა განვითარების შედეგად ჩვენი სამშობლოს განთავისუფლების საკითხში, ეროვნული ემიგრაციის როლი, ჩვენის შეხედულებით, უმნიშვნელოა.

მეორე შემთხვევა: დასაშვებია და მოსალოდნელი, რომ ახლო მომავალში, ახალი ომი გაჩაღდეს და ამ ომში რუსეთი იქნეს მონაწილეთ ჩარეული. ამ შემთხვევაში შეიძლება, როგორც ეს 1918 წ. მოხდა, საქართველო დამოუკიდებლობა აღადგინოს. მაგრამ ისიც შეიძლება, რომ განთავისუფლების ნაცვლად, ის რუსეთის ფარგლებში იქმნეს დატოვებული, ან კიდევ სხვა რომელიმე სახელმწიფომ დაიფლოს.

ისტორიულად ბედ-იბღის მიერ განებივრებულები არა ვართ, და ამიტომ მოვალეობა გვაწევს აღვნიშნოთ, რომ შესაძლებელია ისიც რომ საქართველო ჩავარდეს უარეს ყოფაში ვინემ ეხლა ვართ და დღევანდელი პოლიტიკური სტატუსი ერს სანატრელიც გაუხდეს. ხშირად გვსმენია, ერი პლუტონის სატრაპიაში იმყოფება და ამაზე უარესი ყოფა ვერ იქმნებაო. ამ საკითხზე საჯაროდ კამათი პოლიტიკური შეცდომა იქნება და ამიტომ მას აქ არ შეეხებით. მაგრამ ვისაც უარესზე უარესის წარმოდგენა არ შეუძლია, მოვავაგონებთ დანტეს უკვდავ „ღვთაებრივ კომედიაში“ აღწერილი ჯოჯოხეთში მოგზაურობას; ან კიდევ, თვალი გადაავლოს უკანასკნელი შვიდი საუკუნის საქართველოს წამებით სავსე ისტორიის ფურცლებს...

ომის შედეგათ დამოუკიდებლობის მიღების შემთხვევისათვის, ქართულ ეროვნულ ემიგრაციას შეუძლია ნაყოფიერად იმუშავოს და მოვალეობაც აწევს, რომ ეს საკითხი მისი მოქმედების და მზრუნველობის ყოველდღიური საგანი იყოს.

ამრიგად, ჩვენ ვხედავთ, რომ ქართული ეროვნული ემიგრაციის მოქმედების ნიადაგი და ფარგლები — ეს საერთაშორისო პოლიტიკის ასპარეზია. აქ მას ვალად ადევს სწორი ალლო აულოს ევროპის და აზიის სახელმწიფოთა პოლიტიკურ თუ ეკონომიურ ინტერესთა განვითარება, ჩვენი ქვეყნის მახლობელ არე-მარეში. უპირველეს ყოვლისა მას მართებს სწორად ესმოდეს, თუ რა პოლიტიკურ წონას აძლევს, საითათოდ, მისი საკუთარი პოლიტიკისათვის, ჩვენი დამოუკიდებლობის საკითხს, ევროპის ხუთი უმთავრესი სახელმწიფოს მმართველ წრეთა ხელმძღვანელობა. მას მართებს აგრეთვე შეუცდენლად დააფასოს და გაარკვიოს ის მორალური თუ მატერიალური ინტერესთა ხლართი, რაც სულს უდგავს და მიმართულებას აძლევს ერთა ურთიერთობას და მათ შორის ძალთა ახალ გადაჯგუფებას. ამ საკითხების სრული ცოდნა და სწორი გაგება ქართულ ეროვნულ მოქმედებას ერის ინტერესებთან მიზანშეწონილ მიმართულებას მისცემს. ამ საკითხების განხილვა გაზეთის ფურცლებზე ჩვენ უადგილოდ მიგვაჩნია. აქ აოჯიშნავთ მხოლოდ, თუ გარეგნულად რა მდგომარეობაა ჩვენი მოქმედების ნიადაგის გარემოცვაში.

მრავალ საუკუნეთა მანძილზე საერთაშორისო პოლიტიკის მთავარი ღერძი ინგლის - საფრანგეთის ქიშპობა იყო. ამის გარშემო იქ-



მნებოდა ხალხთა ძალების დარაზმულობა; ამის შედეგად ჩნდებოდა, ან ისპობოდა ამა თუ იმ პატარა ერის, დამოუკიდებელი არსებობა. ფრანკჟურტის ზავის შემდეგ (1871), გერმანიის სამხედრო ძლიერებამ ინგლისს და საფრანგეთს უკარნახა მათი მტრობის დავიწყება და ამის შედეგად, უკანასკნელი ნახვარი საუკუნის განმავლობაში, საერთაშორისო პოლიტიკის მთავარი ღერძი და საერთაშორისო ძალთა დაჯგუფების მთავარი ფაქტორი გერმანია და საფრანგეთის ქიშპობა გახდა. ვერსალის ზავმა დაგვიხატა ამ ქიშპობის შედეგების ცხადი სურათი. დღეს შეიძლება ითქვას, რომ საერთაშორისო პოლიტიკის მთავარი ღერძი ბერლინ-რომის და პარიზ-ლონდონის ხაზების პარალელური არსებობაა. ამ ხაზების მთავარი მომქმედი პირნი ინგლისი და გერმანიაა. ექვს გარეშეა: არის ცდა ამ ხაზების შეხედულებათა ერთმანეთთან დახლოებისა, რათა აცდენილ ან დაგვიანებულ იქმნას დასავლეთის ხალხთა შორის ახალი ომის შესაძლებლობა. მათ შორის შეთანხმებას, დასავლეთის კულტურის ხალხთა საერთო ინტერესიც მოითხოვს. მართლაც, ბოლშევიზმი, ნელის წინაიჯით, მაგრამ მტკიცედ, საფლავს უთხროს ევროპულ ცივილიზაციას და მეორეს მხრივ, შორიდან მოსჩანს რასათა თუ კონტინენტთა შორის სამკედრო - სასიცოცხლო ომიანობა. ამ სფრთხეთა ასაცილებლად ევროპის ხელმძღვანელ ერებს პირველ ყოვლისა სჭირიათ მათი საერთაშორისო ინტერესების ერთმანეთთან შეგუება და მოქმედების გეგმების შეფარდება. მიუნხენის თათბირი ამ შეთანხმების საჭიროების პირველი გამჟღავნებაა. ამ თათბირმა, შეთანხმების იმედებიც საკმაოდ გაზარდა. მას შემდეგ, გერმანიის საელჩოს მიღვანი ფონ რატის მკვლელობამ და ამის საპასუხოდ გერმანიაში მიღებულ ანტისემიტურმა ზომებმა ერთის მხრივ, და ბერლინ-რომის მიერ კოლონიალური მოთხოვნის მიყვანად დაყენებამ მეორეს მხრივ, ისეთი საზის რეაქცია გამოიწვიეს ინგლის-საფრანგეთის მმართველ წრეებში, რომ ერთის შეხედვით, დასავლეთის კულტურის ხალხთა შეთანხმების იმედი ერთობ შესუსტდა. ჩვენ ვფიქრობთ, რომ ამ მიზეზებს ამა თუ იმ სახით მოვევლება და ორ ხაზთა შორის თანამშრომლობა შესაძლებელი გახდება: როგორც წარსულში გერმანიის შიშმა ინგლის-საფრანგეთის ქიშპობა მოსპო, ისე მომავალში, ბოლშევიზმის ან აზიის შიში, დასავლეთის ხელმძღვანელ ერთა შორის უთანხმოებასაც ალბათ მოსპობს. მაგრამ, როგორც არ უნდა დამთავრდეს ეს ცდა, მორიგებით თუ მომავალში მათ შორის ახალი ომით, ამ ორი ხაზის ქიშპობას მსოფლიო ინტერესების ახალი განაწილება აუცილებლად მოჰყვება. ქართულ ეროვნულ ემგრაციათა ვალად მართებს ამ ხაზების პოლიტიკათა განვითარებაში სწორის სიცხადით დაინახოს საქართველოს პოლიტიკური ინტერესი, რათა შეძლების მიხედვით დაცულ იქმნას საქართველოს დამოუკიდებლობის უზრუნველყოფა.

ამ მიზნის მისაღწევად ქართული ეროვნული მოქმედება უნდა განვითარდეს, ერთი ეროვნული ხელმძღვანელობის ქვეშ, ყველა იმ მთავარ სახელმწიფოებში, რომელნიც დასავლეთის ბედს განაგებენ და ოთხთა შეთანხმების შესაძლებლობაზე ფიქრობენ. ასეთი მუშაობის განვითარება ჩვენს ემიგრაციას მით უმეტეს შეუძლია, რომ დასავლეთის ხალხთა შეთანხმების შესაძლებლობაც, ერთ-ერთ საფუძვლად უდევს ბოლშევიზმისა და რუსეთის მიერ დაპყრობილი ერებისადმი



განწყობილების გამოკვევა და ჩვენ კი, ქართველები, უშუალო განცდილი და გამოცდილებით ამ საკითხს კარგად ვიცნობთ.

საჭიროა რომ ქართული ეროვნული მოქმედება სწარმოებდეს, მაშასადამე, ორივე ხაზის ურთიერთ შორის დამოკიდებულებათა განვითარების კალთაზე. ასეთ მუშაობას ვერ შესძლებს ისეთი ხელმძღვანელობა, ვინც რომელიმე პოლიტიკურ დოქტრინასთან გადაბმულია. მხოლოდ ისეთ დაჯგუფებას შეუძლია ორივე ხაზის წინაშე ეროვნული მოქმედების განვითარება, რომლის ერთად ერთი დოქტრინა — ეს ეროვნული დამოუკიდებლობის აღდგენაა. პოლიტიკური რეჟიმის, ანუ სოციალური წესწყობილების საკითხები — ერის ტემპერამენტის და მისი სოციალ-ეკონომიური განვითარების დონეს საკითხებია და ყოველი ჯურის ხელისუფლება, პიროვნული იქნება ის, თუ ხალხოსნური, ადვილად გაუქვთებს აბსტრაქციას ეროვნული ემიგრაციის ხელმძღვანელობის პოლიტიკურ უპროგრამობას. ხოლო, თუ ეს ხელმძღვანელობა გარკვეულ პოლიტიკურ დოქტრინას ემორჩილება, ერთ-ერთი ხაზის დარაზმულობა, ექვს გარეშეა, მას ნდობით ვერ მოექცევა. ამრიგად, ემიგრაციის ეროვნული მოქმედება რომ ნორმალურად სწარმოებდეს, საჭიროა შეიქმნას ერთი ეროვნული ხელმძღვანელობა. მაგრამ ასეთი ხელმძღვანელობის დაარსება უნიადაგო, უდღეური და უსაყოფო გამოდგება, თუ ის ემიგრაციის სწორ სულისკვეთებას არ გამოხატავს. უცხოეთში მყოფი ქართველი პოლიტიკური ხელმძღვანელები ოციდან ორმოცდა ათამდე წელიწადია რაც შეჩვეულნი არიან პარტიულ ჩარჩოში ყოფნას და სახელმწიფო საკითხების პარტიული თვალთახედვით დაფასებას. ამ ჩვეულებისაგან რომ ადამიანი განთავისუფლდეს, საჭიროა მასში კარდინალური ფსიქოლოგიური გარდატეხა მოხდეს. ასეთ გარდატეხას სჭირია ერთი მაგარი სულიერი ჯახი. ამ მიზნის მისაღწევად ემიგრაციას მხოლოდ ერთად ერთი საშუალება აქვს: ყველა პარტიულ ორგანიზაციამ უცხოეთში დადგენილება მიიღოს, რომ ერის უზენაესი ინტერესების სამსახურის მიზნით, ორგანიზაციების წევრები პარტიებიდან გამოდიან და ამ ორგანიზაციებს დაშლილად აცხადებენ. ასეთი დადგენილების მიღების წუთიდან ყოველი ქართველი ემიგრანტი პარტიული პიპოტეკიდან თავს თავისუფლად იგრძნობს და მისი ეროვნულ მოქმედების საზომის ბუნება და ხასიათიც გამოიცვლება. გარდა ამისა, პარტიული ორგანიზაციების დაშლა და ერთი ეროვნული ხელმძღვანელობის შექმნა სავალდებულოა კიდევ სხვა მოსაზრებით. საკითხის გასაშუქებლად, ჩვენ იძულებული ვართ, ერთი მოსაგონებლად არა სასიამოვნო კემშარიტება აღვნიშნოთ. ემიგრაციაში ეროვნული პოლიტიკის პარტიული საზომით წარმოებამ და განსაკუთრებით მენშევიკების მიერ ხელმძღვანელობის შენარჩუნების სურვილმა შედეგად მოიტანა ეროვნული ძალების გაფანტვა და ნიადაგი მოუმზადა მრავალი მკირე და ზოგჯერ მავნე ორგანიზაციების შექმნას. მაგალითად, მენშევიკების სულსკვეთება რომ პარტიული არ ყოფილიყო და ქართული საქმე ეროვნულ ხელმძღვანელობას ჰქონოდა ხელში, აქ შეუძლებელი გახდებოდა ისეთი დაჯგუფების აღმოცენება, როგორიც არის „კავკასის“ ჯგუფი, რამაც უკვე დიდი ზიანი მოუტანა ქართულ საქმეს და მის სახელს. თუ მომავალში პარტიული ორგანიზაციების სახე შენახულ იქმნა, მენშევიკუ-

რი პარტია იქნება ის თუ ეროვნულ-დემოკრატიული, რა უფლებით და მოსაზრებით შეუძლია ერთ რომელიმე ჯგუფის ხელმძღვანელობას ეროვნული საქმის მონაპოვია გამოაცხადოს? უცხო პოლიტიკური პიროვნების თვალში ეროვნულ დემოკრატი, სოციალ დემოკრატი, სოციალ ფედერალისტი, თეთრ გიორგელი თუ „კავკასის“ ჯგუფის ქართველი, ყველა ერთი წონის ქართველია, ქართველი ერის მცირე ნაწილის მისწრაფების გამომხატველი. ამათლამი დამოკიდებულებას უცხოელი მხოლოდ დოქტრინალური სიმპატიით გაშინჯავს. მაშინ როდესაც, თუ პარტიული ორგანიზაციები დაშლილად გამოცხადდა და ემიგრაცია მხოლოდ ეროვნული შემცენების გრძნობით განიმსჭვალა, მის მიერ შექმნილ ხელმძღვანელობას ექნება საკმაო სულიერი ძალა და ავტორიტეტი, რომ ეროვნული საქმის ხელმძღვანელობის უპირატესობა მის ბუნებრივ ფუნქციით გამოაცხადოს და დაისაკუთროს.

ამ მხრივ დროული და მეტად საგულისხმო მოვლენა იყო ბ-ნ სპირიდონ კედიას მოხსენება: „ჩვენი მოვალეობა“.

ეს მოხსენება წაკითხულ იქნა ემიგრაციის პასუხისმგებელ წევრთა დახურულ კრებაზედ. გამართულმა მსჯელობამ გამოარკვია რომ თითქმის ყოველ დაჯგუფებაში გრძნობენ ერთი ეროვნული ხელმძღვანელობის შექმნის საჭიროებას. მაგრამ პარტიული ატავიზმი, ეტყობა, ჯერ კიდევ ერთბა მძლავრია. მაგრამ გარდა პარტიული ატავიზმისა არსებული წესის შეცვლას სხვა, უფრო უშუალო მატერიალური ინტერესებიც უშლის ხელს. არავისათვის არის საიდუმლო, რომ ეგრედ წოდებული „ეროვნული ცენტრის“ წევრები მატერიალურად უზრუნველყოფილნი არიან სწორედ ამ „ცენტრის“ წევრობისათვის, და ამ თავის მდგომარეობის დაცვის მიზნით, რადიკალური გადახალისება იდეას, პარტიულობის დაშლას მძაფრ წინააღმდეგობას უწყვენ. ჩვენის აზრით ეს შიში უადგილოა, რადგან ბ-ნ სპირიდონ კედიას მიზანი ეროვნული საქმის სწორ გზაზე დაყენებაა, და არა ვინმეს დამშვება და უსახსროდ დატოვება. შეიძლება მათი მდგომარეობა გაუმჯობესდეს კიდევ, თუ ემიგრაციის ყველა ძალები შეერთებული ენერჯით შეუდგნენ ეროვნული საქმის კეთებას. საჭიროა აღინიშნოს აგრეთვე, რომ თუ ეროვნული ენერჯის შეკუმშვა მოხდა, ახალი ეროვნული ხელმძღვანელობის შექმნაში კარები ღია უნდა იქნეს ყველა ქართველი პატრიოტისათვის, მიუხედავად ყოველი სახის პოლემიკისა, რომელსაც დღემდე ჰქონია ადგილი.

ამ უკანასკნელი ოცი წლის განმავლობაში ბევრი მაგალითი მოიპოვება ჩვენი თენის საჭიროების და მოვალეობის გასაშუქებლად. პარტიულობის პოლიტიკამ იტალია ბოლშევიზმის კარებაზედ მიიყვანა და ფაშისტურ ერთპარტიული სისტემა რომ არ დამყარებულყო იქ დღეს, ალბათ, საბჭოთა ხელისუფლება იქმნებოდა დამკვიდრებული. იმავე პარტიულობის პოლიტიკამ პოლონეთი პოლიტიკურ საფრთხეში ჩააყენა და ძველმა რევოლუციონერმა და სოციალისტმა პილსუდსკიმ პარტიობა თითქმის მოსპო და ფაქტიურად ერთპარტიული ხელისუფლება დაამყარა. დემოკრატიზმის ბუდე ინგლისში, პარტიულობის პოლიტიკამ ეს ბუბნერაზი სახელმწიფო იშპერია კატასტროფის კარამდე მიიყვანა და მეორე ინტერნაციონალის ერთი მთავარი ლიდერი რამზეი მაკდონალდი, იძულებული გახდა, რა წაშს ეროვნულ

საჭიროებამ ეს მოითხოვა, პარტიული შემადგენლობის მთავრობის ნაცვლად, ეროვნული შემადგენლობის ხელისუფლება დაემკვიდრებინა, რომელიც უკვე შვიდი წელიწადია დიდი ბრიტანეთის იმპერიას განაგებს. ყველამ იცის რომ სოციალური დემოკრატიზმის მთავარი ბუდე გერმანიაა. აქაც პარტიულობის პოლიტიკამ ერი ისე დააძაბუნა, რომ მან თავისი ხსნა და ბედი ნაციონალ სოციალისტურ ხელისუფლებას ჩააბარა: ვინც ლოიალურია თავის სინდისთან, ის ვერ უარყოფს იმ ფაქტს, რომ პიტლერის ხელისუფლება გერმანიაში კახონიერის ე.ი. კონსტიტუციონალური გზით დაშყარდა. ხოლო ხელისუფლების აღების შემდეგ, ბუნებრივია, პიტლერმა მისი შეხედულება ცხოვრებაში გაატარა და ეს შეხედულება ჰგულისხმობდა სწორედ, უპირველეს ყოვლისა პარტიულობის მოსპობას, როგორც ერისათვის უუსაქიროვეს მოვლენას. დასასრულ ერთი უკანასკნელი მაგალითიც ვინც კარგად იცნობს ჩეხოსლოვაკიაში მომხდარ ამბებს და დოქტრინალური სიბრძნის სენით არ არის შეპყრობილი, ის ალბად გარკვეულია, რომ ჩეხოსლოვაკიის სახელმწიფოს დანაწილების მთავარი მიზეზი არის პრავის მთავრობის მიერ დოქტრინალური პოლიტიკის წარმოება. უამისოდ დღის ჩეხოსლოვაკიის ვერსალის საზღვრები კი იცეკნებოდა შენარჩუნებული. თუ კი ჩეხოსლოვაკია გადარჩა დღევანდელი სახით და მომავალში მისი არსებობა უზრუნველყოფილია, ესეც იმის წყალობით, რომ ერის პასუხისმგებელ ხელმძღვანელობამ, როცა ის ეროვნული საჭიროების წინ დადგა, პარტიულ დოქტრინალურ საფუძველზე აგებულ ხელისუფლებას ზურგი აქცია და ეროვნულ საჭიროებათა შეფარდების გზას დაადგა. ამით აიხსნება, უპირველეს ყოვლისა ბენეშის პრეზიდენტობიდან გადადგომა. ჩეხიის დრამის პირველი აქტი მხოლოდ 10 სექტემბერს დასრულდა და უკვე 27 ოქტომბერს ჩეხიის სოციალ დემოკრატიულმა პარტიამ თავისი თავი დაშლილად გამოაცხადა, ხოლო შემარჯვენე პარტიებმა გადაწყვეტილება მიიღეს თავიანთი ორგანიზაციები დაეშალათ და ერთი ეროვნული ორგანიზაცია შეექმნათ. 17 ნოემბერს კი, ე.ი. სუდეტების ჩამოშორებიდან ხუთი კვირის შემდეგ, ერთი ეროვნული მთლიანობის პარტია უკვე დეკლარაციით გამოვიდა, სადაც განცხადებულია, რომ მომავალში მთავრობა უნდა იქნას ეროვნული, ე.ი. არა პარტიულ ნიდაგზე შედგენილი და რომ ამიერიდან, საარჩევნო კანონით აღკრძალული იქნება ახალი პარტიის დაარსება.

მაშასადამე, ჩვენ ვხედავთ, რომ ევროპის ყველა ქვეყნებში, როცა ეროვნულმა საჭიროებამ მოითხოვა, გარემოებასთან შეფარდებით, პარტიულ ხელისუფლებამ ეროვნულ ხელისუფლებას დაუთმო მისი ადგილი. ჩვენ კი ვაბრთ გაყინული ერთ წერტილზე ჩვიდმეტი წელიწადია, თთქოს როგორც 1919—20 წლებში, დამოუკიდებლობის ფუფუნებებში ვეძლეოდეთ ნეტარებას. სინამდვილე კი აი რას გვეუბნება: ყველა ზემოდ ჩამოთვლილ ქვეყნებში ერი საფრთხის კარებამდე მივიდა და მხოლოდ ეროვნული გზის აღებით აიცილნა განსაცდელი, მაშინ როდესაც ჩვენი ქვეყანა დიდი ხანია კატასტროფის მსხვერპლი გახდა, და მიუხედავად ამისა ეროვნულ გზას ჩვენ ჯერ კიდევ ვერ დავდგით.

როგორც ზემოდ ვსთქვით, ჩვენს ეროვნულ საჭიროებას, რომ ემიგრაციის მოქმედება შეუფარდოთ, საჭიროა ერთი დიდი ფსიქოლო-



გიური შოკი და პარტიულობის მოსპობის ნიადაგზე, ერთი ეროვნული ხელმძღვანელობის შექმნა. ბევრი ქართველი, პარტიის ჩარჩოში თავის თავს შინაურად, მყუდროდ და უზრუნველყოფილად გრძნობს, და ესეც ხელს უშლის პარტიულობის მოსპობას. სულ 500 ან 600 ქართველია ევროპაში გაფანტული, და თუ მივიღებთ მხედველობაში, რომ არავისი მატერიალური მდგომარეობის შეცვლის საკითხი არა სდგას, ქართველთა შორის აქ გამყოფი ინტერესი არ არსებობს, ხოლო ყველას აქვს ერთი და საერთო დანიშნულება: საქართველოს დამოუკიდებლობისათვის ზრუნვა. ნუ თუ ვინმე იტყვის, რომ ერთი გრძნობით შეპყრობილი 600 ქართველის ენერგია საჭიროზე მეტი ძალაა ქართული საქმის ხეირიანად სამსახურისათვის? ნუ თუ 600 ქართველს სამშობლოს მარადიულობის იდეის გარშემო არ შეუძლია თავისი თავი წარმოიდგინოს ერთი ორგანიზაციის წევრად და იქ მყუდროებისა და შინაურობის გრძნობა განიცადოს? ვინც ამას ვერ წარმოიდგენს და ვერ განიცდის, მასში ქართველობის გრძნობა ჯერ კიდევ საკმაოდ განვითარებული არა ყოფილა და ასეთ ქართველს საქართველოს სასარგებლო საქმის გაკეთებაც გაუჭირდება.

ჩვენ ზემოდ დავინახეთ, რომ ევროპის სახელმწიფოებში, პარტიულობით გამოწვეული უბედურება, ყველგან ეროვნული პრინციპის ხელმძღვანელობით გამოაყვანილა. ყოველ ქვეყანაში ამ ხელმძღვანელობის დამყარების ფორმა და მეთოდი სხვა და სხვა იყო და ყვეოიან შესაბამეული ეროვნულ საჭიროებას და გარემოებათა მოთხოვნილებებს. ჩვენი ემიგრაციის მოქმედებაც გარემომებას უნდა შეუფარდდეს. ხოლო ქართული ეროვნული საჭიროება და მისი მოქმედების ფარგლები ისეთია, რომ ეროვნული მოქმედება სრულ ნაყოფს ვერ გამოიღებს ვიდრე ემიგრაციაში პარტიულობა არ მოისპობა და ერთი ეროვნული ხელმძღვანელობა არ დამყარდება. დროა ეს ქეშმარიტება გულწრფელი ფიქრის და სინდისიერი განსჯის საგანი გახდეს ყოველი პასუხისმგებელი ქართველისათვის.

აღლანი



### საქართველოს პასუხი გახილულ მართველეს

ბამატის იანიჩრები არა სცხრებიან. მათი ჟურნალის ყოველ ნომერში, მეთოდურად, წლიდან წლამდე, განუწყვეტილად სწარმოებს პროპაგანდა, რომ ბოლშევიკების მიერ ყარსის ხელშეკრულებით, საქართველოს დაუკითხავად გამოძებული ქართული მიწა-წყალი, მესხეთი, ოსმალეთს ეკუთვნის; რომ ჩვენ, ქართველებს არ შეიძლება ამ ქართულ მხარეზე რაიმე პრეტენზიები გვქონდეს და ჩვენს წინაპართა სამკვიდრებელის, ჩვენი სისხლითა და ზორციით ძმების შემოერთებაზე ვფიქრობდეთ. რომ ეს მხარე შეიძლება მომავალში განდეს მხოლოდ არწეოლოგიური კვლევის საგანი და არა პოლიტიკური ინტერესების სფერო. რომ საქართველო მოვალეა რეალობას ანგარიში გაუწიოს და მესხეთი ერთხელ და სამუდამოდ ოსმალეთის საკუთრებად აღიაროს და სხე.

უკანასკნელად ამ საკითხს „იურიდიული თვალსაზრისით“ არ ჩივს ვლ. ემუხვარი. ის გვევლინება ოსმალეთის ნამდვილ ვეჭილად და გვიმტკიცებს, რომ ყარსის ხელშეკრულება საქართველოსათვის უაღრესად სისარგებლო ყოფილა; თურმე ქართველებს ოსმალეთის მიერ წაღლევილ ქართულ მიწა-წყალზე არა ჰქონიათ არავითარი უფლება არც იურიდიულად და არც ისტორიულად; თურმე ქართველებს უცილობითა და დემოგოგიის სიყვარულით აიხსნება ამ კუთხის, ე.ი. მესხეთის საქართველოს ნაწილად გამოცხადება. ეს მხარე მუდამ ოსმალეთისა ყოფილა, მხოლოდ შას, ოსმალეთსა ჰქონია უფლება იურიდიულად და ისტორიულადაც ეს ტერიტორია ეჭიროს და ამიტომ მასვე უნდა დარჩეს სამარადისოდ, როგორც კანონიერ მფლობელს.

ასე გვარწმუნებს ემუხვარი. (იხ. ქართული „კავკასია“ №1(20) 1939. ვნახოთ რა აზრისანი არიან ამ საკითხზე ქართველები, საქართველო. ჩვენ მოგვყავს უცვლელად 1918 წელს, ოსმალეთში გამგზავრებული საქართველოს დღევანდელის მიერ შედგენილი და იმავე წელს სტამბოლში გამოქვეყნებული ნაშრომიდან ის ადგილი, რომელიც გაყიდულ ქართველების დღევანდელ პოზიციას შეეხება. დეე, მკითხველი თითონვე გახდეს მსაჯული: ვართ თუ არა მართალნი, როცა ავალიშვილ ამირეჯიბის დღევანდელ პოლიტიკას საქართველოს ეროვნული და სახელმწიფოებრივი ინტერესების დალატს უწოდებთ?

აი საქართველოს აზრი:

**„მესხეთის პროვინცია“**

„საქართველო — ოსმალეთს შორისი ამ სადაო მხარეების საერთაშორისო - უფლებრივი მდგომარეობა შემდეგია:

„საქართველოს პროვინცია მესხეთი (ეს ძირეული ქვეყანა, რომელიც საქართველოს მთელი ისტორიის მანძილზე ქართული კულტურის ავანგარდს წარმოადგენდა) მეჩვიდმეტე საუკუნეში ოსმალეთმა მოწყვიტა საქართველოს. მეცხრამეტე საუკუნის მანძილზე ზედახლა შემოერთებული ოსმალეთისაგან (ახალციხე - ახალქალაქის მხარე — 1829 წელს, ბათომი და არტაანი — 1878 წელს), ეს მხარეები ამის შემდეგ ხელახლა შეადგენდნენ საქართველოს განუყოველ ნაწილს, თანახმად 1783 წლის საქართველო - რუსეთის ხელშეკრულებისა, რომლითაც რუსეთის მმართველობა სდებდა პირობას:

«на сохранение целости настоящих владѣній» Грузинскаго Царства, «предполагая распространить таковое ручательство и на такія владѣнія, кои въ теченіи времени и по обстоятельствамъ приобретены и прочнымъ образомъ за нимъ утверждены будутъ» — იხ. მეორე არტიკლი; იხ. აგრეთვე მეოთხე სეპარატი არტიკლი:

«Е. И. В. обѣщаетъ въ случаѣ войны употребить всевозможное стараніе пособіемъ оружія, а въ случаѣ мира — настояніемъ о возвращеніи земель и мѣстъ издавна къ Царству Карталинскому и Кахетинскому принадлежавшихъ, кои такъ и останутся во владѣніи Царей тамошнихъ» — на тѣхъ-же основаніяхъ трактата.

„ახალციხე-ახალქალაქის მხარის შესახებ ეს საერთაშორისო - უფლებრივი მდგომარეობა დღემდე არ მცვლილა; პირიქით, 1857 წლის პარიზის ტრაქტატი განმეორებით ადასტურებს, რომ ოსმალეთს ამ მხარეზე არავითარი უფლება არა აქვს.



„რაც შეეხება ბათომსა და არტანს, მათთვის 1918 წლის ბრესტის საზავო ხელშეკრულება ახალ უფლებრივ მდგომარეობას ჰქმნის, მაგრამ — ჯერ ერთი: ტრაქტატის ეს მუხლი, რომელიც ეხება ბათომსა და არტანს, არ შეიძლება ჩაითვალოს სავალდებულოდ, რადგან რუსეთი არ იყო უფლება-მოსილი დაეთმო საქართველოს შინა-წყალი, შემოთებული მასთან განსაკუთრებული პირობებით, მით უფრო რომ ვიდრე ბრესტის ხელშეკრულება დაიდებოდა — რუსეთმა ფაქტიურად დასტოვა საქართველო, გაიყვანა რა თავისი ჯარები საქართველოს საზღვრებიდან, — და ამით დაჰკარგა ყოველგვარი უფლება საქართველოზე, თანახმად იმავე საქართველო - რუსეთის საერთაშორისო-უფლებრივი ურთიერთობისა.“

„და დამოუკიდებლად ამისგან, — თითონ ბრესტის ტრაქტატის მოსენებული პუნქტი სრულიადაც არა სცნობს ბათომსა და არტანს ოსმალეთის საკუთრებად, არამედ ამ მხარეს ეროვნულ-პოლიტიკური თვითგამორკვევის უფლებას ანიჭებს; ოსმალეთის მიერ ჯარების შემოყვანას ამ მხარეში არ შეიძლება სხვანაირი განმარტება მიეცეს, თუ არა დარღვევა ბრესტის ხელშეკრულებისა.“

შემდეგ მოყვანილია ცნობები ამ მხარეების მოსახლეობის შესახებ და დეტალური ცხრილი, რომლის მიხედვით დოკუმენტის ავტორი დაასკენის:

„ამრიგად, მესხეთის პროვინციაში მოსახლეობის მთავარ ელემენტს შეადგენს ქართველობა.“

„ამავე დროს, — და ეს ყოველის უწინარეს მისაღებია მხედველობაში — ქართველ ერს ამ მხარეზე წმიდა ისტორიული უფლება აქვს. ეს პროვინცია — ძირეული ქართული ქვეყანა, არის აკვანი ქართული კულტურისა, რასაც მისი ქვანიც კი ღალადებენ, — მრავალფეროვან ქართულ კულტურის მონუმენტები“. (ხაზი ყველგან ჩვენია. რედ.)

3. ი.

კონსტანტინეპოლი, 4—6 ივლისი, 1918 წ.

ეს არ არის დაწერილი „ბ. ჟორდანიას მიერ გაბრიყვებულ“ ვიმე ემიგრანტისა. ხელნაწერის ინიციალები მოწმობს, რომ ის შეუდგენია ცნობილ ქართველ მოღვაწეს პავლე ინგოროყვას და დაწერილია 1918 წელს. თუ მოვიგონებთ, რომ ბ. პ. ინგოროყვა იყო წევრი პროფ. ივანე ჯავახიშვილის თავმჯდომარეობით არსებულ კომისიისა, რომელმაც შეიმუშავა საზღვრების საკითხში საქართველოს პოზიცია და უცხოეთში წამოსულ დელეგაციის დაუმზადა ყველა მასალები, რომელნიც უდაოს ჰყოფდნენ ქართველი ერის უფლებას აღნიშნულ ტერიტორიაზე, ცხადი იქნება ვის ებრძვიან დღეს ემუხვარ - ამირეჯიბ-ავალიშვილები.

ეს იყო და დარჩა საქართველოს პოზიციად. ჩვენ ამ ნიადაგზე ვდგავართ. ამ ნიადაგზე სდგას მთელი საქართველო. ვინც ამ პოზიციას ებრძვის, ის ებრძვის საქართველოს, მის ეროვნულ ინტერესებს, მის სახელმწიფოებრივ არსებობას.

## ფ რ ა ნ კ ო ს   ბ ა მ ა რ ჯ მ ე ბ ა

ღენერალ ფრანკომ გაიმარჯვა. დამარცხდა სტალინი და კომინტერნი! ამ მოვლენის სიდიდე და მნიშვნელობა ყველასათვის ცხადია. კომინტერნი დასავლეთ ევროპიდან იღვენება. ამიერიდან ეს ქვეყნებებს ამაოხრებელი ბოროტი ძალა იძულებულია თავის ბუნავს დაუბრუნდეს — მოსკოვში ჩაიკეტოს — ვიდრე იქვე არ ჩაპყლავენ. უნდა ვიფიქროთ, რომ ესპანეთში დამარცხება კომინტერნის სამარადისოდ განადგურებას გვიახლოვებს.

საიდუმლო აღარავისთვისაა, რომ ევროპის ცივილიზაციისა, ყოველგვარი წესრიგისა და კანონიერების ძტერი მოსკოვი, დიდი ხანია არც ერთ საშუალებას არ ერიდება მსოფლიოში ახალი ომის გასახალღებლად. მოსკოვი თავის თავსა სთვლის მოწოდებულად ქვეყნიერებაზედ იბატონოს, თუნდაც „პროლეტარიატის დიქტატურის“ დროშით, ამიტომ ევროპაზე იერიშები საბჭოთა ხელისუფლების გამაგრების პირველ დღეებიდანვე დაიწყო. 1918 წ. მან შეუტია ლიტვა - ლატვიას. ამავე დროს სცადა ფინლანდიაში გადატრიალების მოწოდება — მოსკოვის რჩეული მეთოდი: სადაც ომი ვერა ხერხდება, მოსყიდული ხალხით შიგნიდან აფეთქება. — 1919 წ. არეულობა ბავარიაში და უნგრეთში. 1920 წ. ომი პოლონეთთან. 1921 წ. ლაშქრობა კავკასიაზე და ჩვენი ქვეყნის დაპყრობა. 1922 წ. ისევ პოლონეთში, კრაკოვში არეულობის დაწყება. 1923 წ. გერმანიაში გადატრიალების ცდა, სადაც კომისართა საბჭოს თავმჯდომარედ მოსკოვის მიერ უკვე დანიშნული იყო, უფრო გვიან ჯაშუშად გამოცხადებული კარლ რადეკი. 1924 წ. შეთქმულება და გადატრიალებების ცდა ესტონეთში. კომინტერნი ამავე დროს უტევს აღმოსავლეთითაც: მღელვარება პოლანდიის კოლონიებში — იაპაზე; ფრანგულ ინდო-ჩინეთში, ინდოეთში, ავღანისტანში, მონღოლეთში. მაგრამ ყველაზე საეულისხმო შედეგებს აღწევს ჩინეთში, სადაც, ერთ დროს, საკმაოდ დიდ ტერიტორიაზე თავის ბატონობას ამყარებს.

მაგრამ მოსკოვს ასეთი შედეგები არ აკმაყოფილებს. რომანოვების იმპერიალიზმი იქნებ სტამბოლით დაჯერებულიყო, საბჭოთა იმპერიალიზმი უფრო შორს მიდის. მისი მიზანია მთელი კაპობრიობის მოსკოვისათვის დამორჩილება. კომუნისტური პროპაგანდა ამ მიზნის მისაღწევი საშუალებაა. მოსკოვში მშვენიერად იცინებს, რომ ამ გრანდიოზული კეგმისა და დაწყებული ბრძოლის ბედს მანჯურიასა და მონღოლეთში ვერ გადაწყვეტა, რომ დღევანდელი ცივილიზაციის ციტადელი ევროპა და რადგან ახლილი დატაკებით აქ საწინააღმდეგო შედეგებს მიღწიეს — მუსოლინის ფაშისტური იტალიისა და პიტლერის გერმანიის გაძლიერება — კომინტერნი ახალ ნილას იკეთებს, იცვლება ბრძოლის ტაქტიკა; მოსკოვი ერთა ლიგაში შედის, იმ ერთა ლიგაში, რომელსაც „ეჩაილებისა და მძარცველების საქრებულოს“ უძახდა და ცდილობს ევროპის მეშარცხენე პარტიებთან კეთილი ურთიერთობა დაამყაროს და თუ შეიძლება ერთიანი ფრონტიც შექმნას „ფაშისტთან საბრძოლველად“.

კომინტერნის ამ ახალმა ტაქტიკამ, სამწოხაროდ, შეიცვალაში ბერი შეიყვანა. სტალინის თვალთმაქცობა გულწრფელ აქტად მიიღეს.

მოსკოვის მიერ დაჭირავებულმა და მოსყიდულმა პოლიტიკოსებმა, რასაკვირველია, არ დააყოვნეს მათთვის სასარგებლო განწყობილების მაქსიმალურად გამოყენება. ევროპის პრესა აივსო საბჭოთა კავშირის სამხედრო ძლიერებისა და სხვა და სხვა „მიღწევების“ აღწერით. ზოგიერთებმა ევროპიდან მოსკოვშიც იმგზავრეს სტალინის წინაშე რევერანსის გასაკეთებლად. დაიღო ახალი სავაჭრო და სამხედრო ხელშეკრულებანი და სხვ.

მოსკოვის ევროპაში კვლავ დაბრუნების, ევროპულ ფერხულში ჩაბმის პოლიტიკა, შედარებით, ჩქარა დამარცხდა. ყველამ დაინახა ასეთი ცდის მანებლობა და წითელი დათვის მოშინაურება „გაეკროპიელებს“ ოცნება უნაყოფო აღმოჩნდა. მოყვარეთ ევროპაში შემოყვანილმა მოსკოვმა, ფარულად, კიდევ უფრო გააძლიერა ევროპის ასაფეთქებლად ნაღმების ჩაწყობა. ასეთი მუშაობის შედეგი იყო სა-მოქალაქო ომი ესპანეთში.

კომინტერნის დახმარებითა და ხელმძღვანელობით, მორიგ არჩევნებში გამარჯვებული გამოდის ესპანელ სოციალისტებისა და კომუნისტების კოალიცია. სდგება ამ კოალიციის მთავრობა. იწყება ტერორი, თავისუფლად მოაზროვნეთა შეუბრალებელი დევნა, ეკლესიების ნგრევა, სასულიერო პირთა წამება და ცეცხლში დაწვა, ნაციონალისტების ხოცვა-ჟლეტა. ამავ დროს საფრანგეთშიც (1936 წ. ზაფხული) იწყება მასიური გაფიცვები ქარხნების ოკუპაციით და კომუნისტური ლოზუნგებით.

ესპანეთში სოციალისტ - კომუნისტ - ანარქისტების კოალიცია, სახალხო ფრონტის სახელწოდებით, გადაყენებულად აცხადებს პრეზიდენტ ალკალა ზამორას და ფაქტიურად ყოველგვარ კანონიერებას აუქმებს. იწყება ანარქიის ბატონობა, ბრბოს თარეში, თავისი ქვეყნის მოყვარული და სახელმწიფოებრივი ინტერესებისათვის გულშემატკივარი ესპანელები აშკარად პხედავენ, რომ ქვეყანა უფსკრულში იძირება, რომ მოსკოვის ბრმა იარაღად ქცეულ, გამარჯვების სიხარულით დარეტიანებულ ბრბოს ხელში, ესპანეთის ერის და სახელმწიფოს თვით არსებობაა საფრთხეში.

ლენ. ფრანკო ახალ პრეზიდენტს, ასანას, წინადადებას აძლევს, თანახმად კონსტიტუციისა დაითხოვოს პარლამენტი და ზეპარტიული მთავრობის ხელმძღვანელობით ჩაატაროს ახალი არჩევნები. ასანა ამ წინადადებას უპასუხოდ სტოვებს. 13 ივლისს, ღამით, მადრიდის მილიციელებს თავის ბინიდან საცვლების ამარა გაჰყავთ ნაციონალისტების ლიდერი, დეპუტატი კარლო სოტელო და ჰკლავენ. 14 ივლისს მისი დაშინავებული გვამი ქალაქ გარედ სასფალაოზე იპოვეს. 17 ივლისს ლენ. ფრანკოს მეთაურობით ჯარი იწყებს მოქმედებას ესპანურ მაროკოდან. სახალხო ფრონტის მთავრობა ბრძოლითვე ეგებება. იწყება სამოქალაქო ომი. მადრიდის მთავრობა დახმარებისათვის მიმართავს იდეოლოგიურად მონათესავე სახელმწიფოებს. ანრი დე კერილისის მიერ გამოქვეყნებული ცნობების თანახმად, საფრანგეთის „ფრონტ პოპულერი“ მთავრობა ავიონებითა და სხვა სამხედრო იარაღებით ეხმარება მადრიდს. მაგრამ მთავარი დახმარება მოსკოვიდან მოდის. ლარგო კაბალეროს მთავრობის გამარჯვებით მოსკოვი უაღრესად იყო დაინტერესებული. წითელი ესპანია ივსება საბჭოთა ავიონებით, ზარბაზნებით, ტყვისმფრქვეველებით, ტანკებით, ტყვია-წამ-



ლით, ტანისამოსით, ოფიცრებით, ინსტრუქტორებით. რუსეთიდან დატვირთული გემები განუწყვეტლივ მოდიან. საბჭოთა კავშირში კაბალეროს დასახმარებლად, ახლილად, ყველასათვის სავალდებულო გადასახადიც კი დააწესეს — კაბალეროს ხომ „ესპანეთის ლენინს“ ეძახდნენ!

მოსკოვის ასეთი ენერგიული ჩარევა ფრანკოს მოძრაობას აყოვნებს. მაგრამ მოსკოვის თავგამოდებამ სხვა შედეგებიც მოიტანა. შეიძლება ვადაჭრით ითქვას, რომ საბჭოთა კავშირმა რესპუბლიკანურ ესპანელს ნამდვილი დათვის სამსახური გაუწია. ღენ. ფრანკოს დამარცხება პირინეის ნახევარ კუნძულზე მოსკოვის უკონტროლოდ ბატონობის საფუძვლიანად დამკვიდრება იქნებოდა. ეს იცოდა მოსკოვმა და ამიტომ არაფერი დაუზოგავს, მაგრამ ეს იცოდა ევროპამაც და რომ კომინტერნი ესპანეთში არ გაებატონებიათ, ანტიკომუნისტური ძალები ღენ. ფრანკოს ეხმარებიან. ბოლოს, მოსკოვის საფრთხე იმდენად რეალური ხდება, რომ ინგლისი და საფრანგეთიც იძულებული არიან თავდაცვის ზომებზე იფიქრონ.

მართლაც, მოსკოვის ესპანეთში გაებატონება მარტო იტალია-გერმანიისათვის კი არ იყო საშიში, ამის შედეგები კატასტროფიული იქნებოდა მთელი ევროპისათვის. პირინეის ნახევარ კუნძულზე ჩასაფრებული რუსეთი ხმელეთით ემუქრებოდა: მოსაზღვრე საფრანგეთს, პორტუგალიას, და ინგლისის ძლიერების ერთ უმთავრეს ციხე-სიმაგრე გიბრალტარს; ხოლო ზღვით: ორივე ამ ვეებერთელა იმპერიის საზღვარსა და საიშპერიო გზებს. ასეთი პერსპექტივა, ცხადაა ინგლის-საფრანგეთის დიპლომატიას განსაკუთრებულ სიფრთხილეს უკარნახებდა. საფრანგეთის სახალხო ფრონტის მთავრობას მადრიდის მთავრობისადმი პარტიულ-იდეოლოგიური სიმპატიები არ აკლდა, მაგრამ მის წინაშე იდგა უფრო დიდი საკითხი, რომელიც ამ სიმპატიებისა და პარტიული მიდგომის დაძლევის მოითხოვდა — ეს იყო საფრანგეთის სახელმწიფოებრივი და საიშპერიო ინტერესები. ამას დაემატა შიშიც, რომ საფრანგეთის მადრიდის დასახმარებლად გამოსვლა, დაუყოვნებლივ გამოიწვევდა იტალია-გერმანიის მიერ მეორე მხარის გამაგრებას. ეს კი ნიშნავდა ახალ ომს მთელი ევროპისათვის. აქედან: „ჩაურევლობის კომიტეტის“ შექმნის იდეა. ამ კომიტეტის არსებობის მთავარი პირობა იყო საბჭოთა კავშირის ჩათრევა, მისი ჩაბმა ამ კომიტეტის მუშაობაში და ოფიციალურად დაპირების მიღება, რომ საბჭოთა რუსეთი ესპანეთში თავს შეიკავებდა. იცოდნენ რომ კომინტერნი პირობას არ შეასრულებდა, მაგრამ მაშინ ხელი ეხსნებოდათ საფრანგეთსა და ინგლისსაც, სურვილისამებრ ერთ მხარეს დახმარებოდნენ. მოსკოვი ამ ანკესზე წამოეგო. მისი წარმომადგენელი „ჩაურევლობის კომიტეტში“ შევიდა და ამით მადრიდს მთავრობისათვის ახლილად დახმარებაზე უარი სთქვა. მოსკოვის რეგულიარული დახმარება შეიმცირდა, მაგრამ უკვე მოზიდულის მარაგი იმდენი აღმოჩნდა, რომ ომი დღემდე გაგრძელდა.

ბარსელონის და კატალონიის აღებამ ღენ. ფრანკოს გამარჯვება იქვე გარეშე დააყენა და ჯველასათვის ცხადჰყო. ამას მოჰყვა ინგლისა და საფრანგეთის მიერ ფრანკოს მთავრობის ცნობა და საფრანგეთში უდიდესი ავტორიტეტისა და პატივისცემის მქონე მარშალ პეტენის ბურგოსში ელჩად გაგზავნა.





ამით დამთავრდა მოსკოვის ცდა ესპანეთში გაბატონებისა.

მადრიდის ქირვეულობა და „თაფდაცვის საბჭო“ — არსებითად დამთავრებული ბრძოლის უაზრო ეპილოგია. ძნელი სათქმელია რა ფორმებში განვითარდება მომავალში, გამარჯვებული ნაციონალისტური ესპანეთი, შეიძლება, როგორც 1875 წელს, იქ მონარქია აღსდგეს, მაგრამ ეს უკვე სხვა საკითხია და ჩვენს თემაში არ შედის.

ლენ. ფრანკოს გამარჯვება ჩვენთვის დიდად საგულისხმო იმითობაა, რომ ეს მოსკოვის დამარცხებაა, კომინტერნის ევროპიდან განდევნა და საქართველოს ამოხრებელ კომუნისტთან მებრძოლი ბანაკის გამაგრებაა. რამდენადაც გაძლიერდებიან მოსკოვის კომუნისტების წინააღმდეგ მებრძოლი ძალები, იმდენად უახლოვდებიან საქართველოს განთავისუფლების საათს.

ა. ც.

### „სომხების მოსვლა“

ბამატმა დიდის ზემოთ აუწყა ქვეყანას, რომ სომხებიც მის ამქარს შეერთებიან. რა მოხდა სინამდვილეში და ვინ არიან ეს სომხები?

პარიზში სულსა ჰლაფავდა, ზოგი ქართული განუთის მგავსად, ერთი სომხური განუთი: „აზგ“ (ერი), რომელსაც სცემდნენ ორი ძმა ზარგარიანები. ბამატმა მიაგნო ამ განუთს. მოლაპარაკებამ კარგა ხანს გასტანა. ბოლოს მორიგდნენ: თვეში სამი ათასი ფრანკი „ორგანიზაციული ხარჯებისათვის“ ძმ. ზარგარიანებს და სომხურად „კავკასია“ ბამატის ხარჯზედ. მაგრამ ინფორმაციის სისრულისათვის უნდა დაუმატოთ, რომ ამჟამად ძმ. ზარგარიანები მარტონი არ არიან, მათა ჰყავთ კიდევ ორი კაცი: სიმპატიური, „დანსორ მონდენის“ გარეგნობის ყმაწვილი ბ. შანტი და ბ. აფანასიანი. ეს არის სულ.

ამას დაარქვეს „სომხების მოსვლა“! იქნებ ნუგეშად ივარგოს: ქართველები არც ასე იაფად გაყიდულან...

რასა ჰფიქრობენ ამის შესახებ სომხები? აი რასა სწერს პარიზის სომხური ყოვლდღიური განუთი „არაკ“ 23 თებერვლის ნომერში:

(მოგვყავს შემოკლებით) „... სავსებით საკმარისია ჟურნალ „კავკასის“ სომხური გამოცემა, რომ საუკუთესო ოპტიმისტი დარწმუნებულები ამ მიმართულების შემცდარ შენდულებებში. უფრო მეტსაც ვიტყვი: საფუძველი კავკასიური ერთობისა, უფრო მტკივნეული განდა, მიუხედავად იმისა, რომ მათ ბადეში მოჰყვა 4-5 ყოვლად უპასუხისმგებლო ახალგაზრდა სომეხი. და ვაი! რა დიდის ამბით განაცხადეს ეს მოვლენა, როგორც „სომხების მოსვლა“... „ეს უბედური ახალგაზრდა ხალხი არ წარმოადგენენ საკუთარ თავსაც კი. თუ მართლაც მათ აქვთ რამე, ეს არის მათი თვითი შემოსავალი, რაც ვერც კი შესძლეს შეენახათ საიდუმლოდ“... „მასასადამე ჰიდარ ბამატს და კომპანიას სჯერათ, რომ ამ ბიჭ-ბუჭების შემწეობით, რომლებმაც სამშობლო ენაც კი არ იციან და ლაპარაკობენ ლულულულით, — „მათ ექნებათ შესაძლებლობა იტრიალონ ფართო სომხურ წრეებში თავის მშობლიურ ენაზე“... ბარაქალა სულის გლახაკებს — იტყოდნენ მორწმუნენი“.

„კავკაზი“ რომელიც გამოდის რუსულად, ფრანგულად, გერმანულად, იტალიურად, ინგლისურად, ქართულად და სომხურად, მთელ მსოფლიოს საყურადღებოდ აცხადებს, რომ იმათ უარი სთქვამს „უფლებღვარ ტერიტორიალურ მოთხოვნილებებზე ოსმალეთის მიმართ“. კეთილი, მაგრამ თვით უკანასკნელი მიამიტი ადამიანი იკითხავდა — ოსმალეთიც თავის მხრიდან უარს ამბობს ტერიტორიალურ მოთხოვნილებებზე კავკასიურ რესპუბლიკების მიმართ? უფრო ნათლად რომ დაეაყენოთ საკითხი — „კავკასიელი“ ქართველი არის დარწმუნებული, რომ საბჭოთა კავშირის დამზობის შემდეგ, „რის გამოც იქვე არ ებარება „კავკაზს“ — ოსმალეთი არ დაიპყრობს ბათუმს, რის მისწრაფებაც მას ისტორიულად ჰქონდა? ასევე სწამს ბამატს, რომ ბაქო ოსმალეთის მადის გარეშე აღმოჩნდება?

„დასასრულს, რა არსებითი გარანტია აქვს „კავკაზს“ როდესაც ასე ხმამაღლა ჰყვირიან ოსმალეთის მეგობრობაზე. საბოლოოდ ივიწყებენ წარსულს და სომხებს გვიკითხავენ ნატაციებს. ჩვენ ყველაზედ უკეთ ვიცით, რომ საბჭოთა კავშირი იყო ბოროტება კავკასიისათვის, რომელმაც მხეცურად დაიპყრო და დაიმორჩილა არა რუსული მხარე და ეროვნებანი, და ბ. ბამატი უკეთეს იზაჯდა ნაკლები ელაპარაკა და საკუთარ მესხიერებაში აღედგინა მისი სმწუხარო როლი ადერბეიჯანის გაბოლშევიკებაში.

„ამასთან, თუ „კავკაზელებს“ რეალური თავისუფლება უნდათ და არა მონობა, მოვალენი არიან ღრმად შეისწავლონ ფერცლები ისტორიისა, ყველა გვერდი ამ წიგნისა და არა მხოლოდ ერთი. როდესაც ახალ გზას გვთავაზობენ, მოვალენი არიან უპასუხონ ყველა საჭირობოტო საკითხებზე, რომელნიც 20 წლის მანძილზე მეორედბან საჯაროდ ყოველგვარი თავშეუკავებლობის გარეშე. სხვაგვარად ყოველი ცდა იქნება წყლის ნაყვა, რაც სინამდვილეში არის კიდევ“...  
ესეც „სომხების მოსვლა“!

## „შობის ხე“

ქურ. „კავკასია“ შობას მომხდარ ინციდენტს ორ წერილში ეხება. ტონის მიმცემი, რასაკვირველია, ბ. შ. ამირეჯიბი ბრძანდება — როგორ მოითმენდა ასეთ საგანზე არაფერი ეთქვა? მას ბერლინიდან პარიზში ყველაფერი დაუნახავს, ყოველივე შეუსწავლია და „მიუღლომელი“ საბუთებით აღჭურვილს, საჩქაროდ განაჩენიც გამოაქვს. ბ. ამირეჯიბის ინფორმაცია, როგორც თითონვე ბრძანებს, მისი მეგობრების ე.ი. „კავკაზელების“ წერილები ყოფილა: მელას მოწმედ თავის კული მოპყავდაო. მაგრამ ამირეჯიბს სიმართლე არც აინტერესებდა, ის მხოლოდ საბაბს დაეძებს, რომ ბამატის მოწინააღმდეგე ქართველობას ტალახი შეასხას, ყველანი ამოსვაროს, შური იძიოს, მოსპოს, — საქურონის გარეგნობას გრძნობებზე საქურონისა ახასიათებს. არც ერთი დებულება ამირეჯიბის „თხზულებისა“, გარდა თვით ჩხუბის ფაქტისა მართალი არ არის, ამიტომ ჩვენ მას უყურადღებოდ ვსტოვებთ.

გავარჩიოთ მეორე „თხზულება“ — „შობის ხე“ — რომლის ავ-



ტორი, რეზო გაბაშვილი „ყველგან დამსწრეს“ ფსევდონიმს ეფარება. ფსევდონიმი რას დაფარავს იმ სიმყრალესა და სულიერ სიმანხიჯეს, რომელსაც გაბაშვილი ანსახიერებს? გაბაშვილის კოველი ნაბლაჯნი, მისი ყოველი სიტყვა და მოქმედება იმდენად უმგვანო და გულის ამრე-  
ვია, რომ მისი სტატია ათას ანონიმურ პასკვილშიც ამოიჩრევა.

დამახასიათებელია, რომ ეს „ყარაჩოლეში“ თავის გვარის მოწერას ვერა ბედავს და ლაჩრულად ფსევდონიმს ეფარება!

ვიდრე თვით ინცინდენტს შევხებოდე, მკითხველს გავაცნობ ჩემს საუბარს რეზო გაბაშვილთან. მე მას მიუთითე შ. ამირეჯიბის წერილის იმ ადგილზე, სადაც ნათქვამია, რომ ჩხუბი წინასწარ მოწყობილი და მომზადებული იყო. ესთხოვე ეს ადგილი, როგორც სიმართლეს მოკლებული, გადაესწორებინა და დასარწმუნებლად მოუყვანე შემდეგი საბუთები: 1. „თქვენ, „კავკასიელები“ ჩვენ გვეძახით „სპ. კედიას ხალხს“, თუ ეს თქვენნი ნათქვამი თქვენვე გჯერათ, მაშინ უნდა მიიღოთ რომ ბ-ნ „სპირიდოხის კაცები“ მისი მეუღლის მიერ მოწყობილ საღამოზე ასეთი განზრახვით არ მივიდოდით და სხვა დროსა და ადგილს შევარჩევდით; 2. თვით ჩხუბის დროს დ. სინჯიკაშვილის პირადი მეგობრები, მათ რიცხვში მეც, უკვე წასულები ვიყავით და მას გარედ უცდიდით. რომ ჩხუბი წინასწარ მოფიქრებული ყოფილიყო, დ. სინჯიკაშვილს მარტო არ დავტოვებდით და ჩვენც მის გვერდით ვიქნებოდით; 3. როცა ქვეშ, ვასავალ კარებში ჩხუბი კვლავ განახლდა და თქვენ (ე.ი. გაბაშვილი) კიბეზე წაიქეციოთ, მე პირველი მოგვეშველეთ და ფეხზე ავაყენეთ; 4. ჩხუბის შემდეგ „კავკასიელები“ სახლში გაგაცილათ შოთა გედევანიშვილმა, რომელიც ჩვენს წრეს უკუთვნის. ესეც იმის მოქმედებაა, რომ წინასწარი განზრახვა არა გექონია, თორემ შოთა გედევანიშვილი, ყოველმეშხვევაში, სახლში აღარ გაგაცილებდათ მეთქი“. გაბაშვილმა ყურადღებით მოისმინა და მითხრა: — ძალიან კარგი ჰქენი, რომ ყველაფერი ეს მითხარი, მე სხვებიც მელაპარაკენ და მართლაც, არაფერი „ჩაწყობილ“ „ჩამოწყობილი“ არ იყო, თორემ მენშევიკ ნ. კალანდაძეს რაღას ერჩოდნენო. საერთოდ კი მუშტი კრივი დაუშვებელია და უნდა ზომები მიიღო შენს ამხანაგებში, რომ აღარ განმეორდესო. მე დავეთანხმე, რომ პოლიტიკური დავა მუშტით ვერ გადაწყდება, რომ ამაზე ჩვენ სხვა აზრისა არა ვართ და დაუსახელე შემთხვევაც, როცა ასეთი განზრახვა ჩვენ სხვებს ჩაეაშლევინეთ და სხვ. ეს მოხდა შობის მეხუთე დღეს, პარასკევს. გაბაშვილი დამბირდა, რომ ორშაბათს ისევ მოვიდოდა სტამბაში და ამირეჯიბის წერილში ჩემს მიერ მითითებულ ადგილს შეასწორებდა. რ. გაბაშვილისაგან, რომელსაც კაცობის ნატამალი არა ჰქონია, მოსალოდნელია ყველაფერი უარყოს, მაგრამ მისდა საუბედულოდ მე მარტო არა ეყოფილვარ: ეს საუბარი ესმოდა მესამე კაცსაც.

ორშაბათს გაბაშვილი მართლაც მოვიდა სტამბაში და... მოიტანა წერილი „ყველგან დამსწრეს“ ხელმოწერით. აქ გაბაშვილი არა თუ იმეორებს ამირეჯიბის სიყალბეს, უფრო შორსაც მიდის: თურმე ეს ჩხუბი მოუწყვიათ ბ. ბ. ნ. ჟორდანიას, სპ. კედიას, მიხ. წერეთელს; „ქართულ კერას“ მახე დაუგია, გაბაშვილი და სხვები შეუტყუანებდათ რომ შემდეგ ეცემათ და სხვ და სხვ. პარასკევს მე მეთანხმებო, თავის საბუთსაც უმატებს (ბ. ნ. კალანდაძის ამბავი), რომ ჩხუბი წინასწარ განზრახული არ იყო და ორშაბათს, ე.ი. სამ დღეში სტამბაში

მოაქვს „ყველგან დამსწრეს“ წერილი! აი, ბატონებო, ასეთი უპირო და შუბლ მორეცხილი არსება, ჩვენდა დიდად სამარცხვინოდ, ვიდრე ბამატს მიეყიდებოდა, ქართულ პოლიტიკურ ასპარეზზე ბოგინობდა. რა უნდა ეწოდოს ისეთ კაცს, რომელსაც სიტყვა არა აქვს, თავის ნათქვამს პატივს არა სცემს და თავი თავს ფულადა ჰყიდის?

ვინც გაბაშვილს კარგად იცნობს ამაში არაფერი ეუცხოება. გაბაშვილი მუდამ ასეთი უსიტყვო, ორპირი, ვერაგი და შუბლ მორეცხილი იყო.

როგორ მოხდა თვით ჩხუბი? „კავკაზელებს“ ექირათ მაგიდა გასავალ კარებში — ყველას თვალწინ. მათ მოითხოვეს სასმელი და 10—12 ბოთლი ღვინო და შამპანიური მაგიდაზე დაიმწკრივეს. მიმტან ქალიშვილებს თურმე რამდენიმეჯერ უცდიათ ცარიელ ბოთლების აღგება, მაგრამ „კავკაზელებს“ არ დაუნებებიათ. ალბათ საზოგადოებისათვის თვალებში მტვერის მისაყრელად: — დაინახეთ რამდენი ფული გვაქვს, თქვენ „ორანჯადსა“ სვამთ, ჩვენ შამპანიურითა ვკეიფობთო! ყოველშემთხვევაში, საზოგადოებამ სწორედ ასე გაიგო, და არა ერთი და ორი კაცისაგან გავიგონე: ჩვენს გასალიზიანებლად შერებიანო. თუ მხედველობაში მივიღებთ არსებულ სულიერ განწყობილებას, ქართული მიწა-წყლით მოვაქრეთა საქციელით გამოწვეულ მათდამი ზიზღს, გასაგები იქნება, რომ შობის ზეზე მათი გამოჩენა საზოგადოებისათვის დღესასწაულის ნახევრად ჩამწარება იყო. ხოლო მათი გამომწვევი, პროვოკაციული საქციელი ამ ზიზღს უფრო აძლიერებდა. მაგრამ საღამო მანაც უინციდენტოდ ჩატარდებოდა, რომ შეზარხოშებულ „კავკაზელებს“ (ხუთ-ექვს კაცს მაგიდაზე 10—12 ბოთლი ედგათ) ჩხუბი თითონვე არ დაეწყათ. ჩხუბი დაიწყო ექიმმა ქაქიაშვილმა, რომელსაც ამ მხრივ კარგად იცნობს პარიზელი ქართველობა (შობამდე რამდენიმე კვირით ადრე მან იჩხუბა მონმარტრზე დ. ერქომაიშვილთან, ამაზე ადრე კიდევ იქვე უცხოელებთან, უფრო ადრე არ. დადიანთან, შ. გედევანიშვილთან, უფრო ადრე ირ. ზალდასტანიშვილთან, ქართული კოლონიის კრების თვალწინ და სხვ. და სხვ. ეს მხოლოდ ისეთი შემთხვევებია, რომელიც საზოგადოებამ იცის, ხოლო ხუთი და ათი კაცის საიდუმლოდ დარჩენილ შემთხვევებზე არას ვაძებთ). ქაქიაშვილმა ტუტუტური მიმართვით დააბრუნა უკვე კარებისაკენ მიმავალი ჩვენი მეგობარი დ. სინჯიკაშვილი, მაგრამ ეს უკანასკნელი მაშინვე დაუქერიათ და ქაქიაშვილამდე ვეღარ მისულა. სხვა გამშველებლებთან ერთად დ. სინჯიკაშვილისაკენ წასულა ბონდო ელიავაც, რომელიც ჩვენი მეგობრების მიერ, უკვე 5-6 წელია, მიჩნეული იყო ჩვენი წრის მტერად, ამიტომ მას წინ გადასდგომია ი. შინაშვილი. ესენი ერთმანეთს დასტაკებინ. მე რამდენიმე მეგობართან ერთად, დარბაზიდან უკვე გასული ვიყავი და შინ წასასვლელად გარეთ, მანქანაში უცდილთ დ. სინჯიკაშვილს. გვითხრეს ჩხუბიაო. როცა დარბაზში შევედი გაშველებულები იყვნენ. ხმაურობაში ვერც კი გააჩვენებ ვინ-ვისთან ჩხუბობდა. მივაშურე დ. სინჯიკაშვილს და ის მაშინვე გამოვიყვანეთ. ამ წუთამდე არ ვიცოდი რა მოხდა და მხოლოდ კიბეებზე ჩამოსვლის დროს (დარბაზი მეორე სართულზეა), გავიგე, რომ მეორე მხარე ქაქიაშვილი ბრძანებულა. ისევ შევბრუნდი

ი. შიხაშვილის წამოსაყენად. ისიც წამოვიყვანეთ. ამ დროს „კავკაზელები“ ისევ თავის მაგიდას უსხდნენ. არც ერთ მათგანს, მიხ. კედიას გარდა ხელი არ მოხვედრია. ინციდენტიც ამით ამოიწურებოდა, რომ „კავკაზელები“ კვალ და კვალ არ მოგვეყოლოდნენ. დ. სინჯიკაშვილი და ი. შიხაშვილი ჯერ კიდევ პალტოს იცვამდნენ, რომ ზ. ავალიშვილი, გაბაშვილი მუღღლით და სხვები თავზე წამოგვადგნენ. რეზო გაბაშვილმა შორიდანვე მიაძახა სინჯიკაშვილს: „სულ შენი საქმეა შე...“ ინმარა ქეჩუჩი სიტყვა. სინჯიკაშვილმა სიტყვა შემოუბრუნა და წამოიწია. ის კვლავ დავიჭირეთ. მაგრამ დრო იხელთა ი. შიხაშვილმა და გაბაშვილს მიატანა. ამ დროს ზურაბ ავალიშვილმა, რომელიც იქვე იდგა, ალბათ გაბაშვილის დასაცავად, წინი ჩაარტყა შიხაშვილს. ეს უკანასკნელი ავალიშვილს მიუბრუნდა და სანამ მე მივასწარი ხელი შეახო ორჯერ. შიხაშვილს რომ გადაველობე, ავალიშვილს ხელი შეახო მორე კაცმაც, რომელიც სხვა დაჯგუფებას ეკუთვნის. გაბაშვილს ვინ რა უყო ვერ დავინახე, ვნახე მხოლოდ რომ ის კიბეებზე დაგორდა. ვგონებ შიშისაგან მოუვიდა: ისეთი საცოდავი, შეშინებული სახე ჰქონდა, რომ სხვებს თავი დავანებე, მივიშველე, ფეხზე ავაყენე და თავის ცოლს ჩავებარე — უორიე წაეყვანა. ამით გათავდა ჩხუბიც.

ამრიგად, პირველ შემთხვევაში, დარბაზში, ჩხუბი დაიწყო ჭაჭიაშვილმა, რასაც ერთხმად ადასტურებენ საღამოზე დამსწრენი, ვინც „კავკაზელების“ მაგიდასთან ახლოს იხდნენ და მაშასადამე ჭაჭიაშვილის ნათქვამის გაგონება შეეძლოთ. ხოლო ამის ლიკვიდაციის შემდეგ, კიბეებზე ჩხუბი ვანახლა რეზო გაბაშვილმა. ის რომ გაჩუბებულიყო და დ. სინჯიკაშვილს არ დამუქრებოდა, არც მასა და არც ავალიშვილს არაფერი მოუვიდოდათ. მაშასადამე ორივე შემთხვევაში რაც მოხდა, მათი თავმეუკუყვებლობისა, გამომწვევი საქციელისა და ენამყარლობის ბრალია. რასაკვირველია, ზედმეტია ლაპარაკი რაიმე წინასწარ განზრახვანზე. მაგრამ უნდა შევინშნოთ, რომ თვით „კავკაზელები“ ყველაფერსა შერებთან ასეთი ინციდენტების გასამრავლებლად: მთელ ქართულ ემიგრაციასთან ბრძოლა და მთელი საზოგადოების ტალახში ამოსვრა, სხვა და სხვა პირთა მოსყიდვა და პროვოკაციები, რასაკვირველია მათ საწინააღმდეგო განწყობილებას აღიერებს და ინციდენტის გამოწვევა შემთხვევით საბაბზეა დამოკიდებული.

ეს მშვენიერად იცის გაბაშვილმა, ამიტომ სრული უფლება მაქვს ვიფიქრო, რომ ის შეგნებულად სტყუის. მაგრამ მე ვეჭვობ, რომ ასეთმა დასკვნამ ვინმე გააკვირვოს: ცბიერობა, მატყუარობა, ორპირობა, შუბლმორეცხილობა — ეს გაბაშვილის თანდაყოლილი თვისებებია, აწ უკვე ყველასათვის ცნობილი. მთელ თავის სიცოცხლეს ის პასკვილების წერაში ატარებს, ეს მისი ხელობაა. მუდამ ვინმეს „ებრძვის“, ვინმეზე ღრიადებს, მთელი ქვეყანა მტყუანია, მართალი მართო თითონ არის. ამიტომ არის რომ საზოგადოება მეტ სახელად გიჟ რეზოს ეძახის. მაგრამ გაბაშვილი სხვა ტიპის „გაჟია“: საზოგადოებასათვის მაგნე, ჰაერის მომწამლავი. მას მხოლოდ ენება შეუძლია, მხოლოდ წახდენა, მხოლოდ ლანძღვა-გინება. ამიტომ იყო, რომ ბ. ნ. ყორღანიაძე, სულ ბოლო დროს, თავის ფრონტიდან გამოაბანჩურა და მიუხედავად საგანგებო არზისა, უკან აღარ მიიღო. არც გასაკვირია: ვის რათ



უნდა მაგნე და ბნედიანი კაცი ამიერიდან ბამატს ერთი დამსახურება მაინც მიუძღვის ქართველების წინაშე: ქართული ასპარეზიდან გაბაშვილის მოშორება, უმჯველად სამსახურის გაწვევა ქართული საქმიანობის.

მხოლოდ რ. გაბაშვილივით დამთხვეულსა და ტვინ-დანჯღრეულ არსებას შეუძლია შობას მომხდარი ჩხუბის პასუხისმგებლობა ბ. ბ. ნ. ჟორდანას, სპ. კედიას და მიხ. წერეთელს დააკისროს. რა შუაშია რომელიმე მათგანი? მენშევიკებს ხომ გაშველების მეტი არაფერი უქნიათ? ბ. ბ. მიხ. წერეთელი ცუდი კაცი იმიტომ გახდა, რომ გაბაშვილივით არ გაიყიდა, ქართული მიწა - წყალი სხვას არ დაუმტკიცა და პირიქით, საქართველოს უფლება და ღირსება დაიცვა. ბ. ნ. მიხ. წერეთლის „დანაშაული“ მხოლოდ ეს არის. ბ. ნ. სპ. კედიას ნაკლიც იგივეა, არც ის გაიყიდა და საქართველოს სადარაჯოზე დარჩა. ვინც საქართველოს დასაცავად ხმას აღიმადლებს, ის ცუდი კაცია, ხოლო ვინც საქართველოს ოსმალეთის საკუთრებად გამოაცხადებს, ის „დიდი პატრიოტი“ და „დიდი ქართველია“! ასეთია „კავკასიისა“ და გაყიდული ქართველების საზომი. გაბაშვილი რომ მართლა „გვიკი რეზო“ არ იყვებს, ის მიხვდებოდა თუ რამდენად საზარალოა თვით „კავკასიისათვის“ ქართველთა პირველი კაცების, სამივეს ერთბაშად დასახელება და მათ წინააღმდეგ ლაშქრობა. ესეც ერთი საბუთია, რომ „კავკასი“ ერთობ საქართველოს ებრძვის და არა რომელიმე პარტიას.

#### აღ. ცომაია

ჩვენ განგებ მოგვყავს ისეთ პირთა ჩვენებები, რომელთაც „ივერიელებთან“ არავითარი კავშირი არა ჰქონიათ და ჩვენს წრეში არასოდეს ყოფილან:

მე არ ვეკუთვნი არც ერთ პოლიტიკურ დაჯგუფებას და მამსა-დამე, დაინტერესებულიც არა ვარ ვინმეს გათეთრებით. ვამბობ რაც ვნახე და ვიცი.

ილო შინაშვილი, რომელსაც ეს უსიამოვნება შეემთხვა, შობის ხეზე მე წავიყვანე. „შობის ხის“ მისამართის უქონლობის გამო მასთან შევიარე, რომ ერთად წავსულიყავით. ი. შინაშვილი ლოგინში დამხვდა, შეუძლოდ იყო. ჩემი დაბეჯითებით თხოვნის შემდეგ ადგა და ერთად წავედით. დარბაზში რომ შევედით, დაახლოებით საღამოს 8 საათზე იქ ვნახეთ ჩვენი მეგობარი დ. ბეგიაშვილი, რომელიც იჯდა ქ. ნ. და ბ. ნ. ლაშქარაშვილებთან, ჩვენც მათ შეუერთდით. ჩვენს გვერდით მაგინა დაკავებული ჰქონდათ „კავკასიელებს“. ეს გარემოება შეიძლებოდა სრულიად შეუმჩნევლად დარჩენილიყო, რომ არ ჰქონოდა ადგილი ერთ შემთხვევას: ჩვენს მაგიდასთან ჩამოიარა ბ. დ. სინჯიკაშვილმა, მოგვესალმა, დღესასწაული მოგვილოცა და წავიდა: მეჩქარებდით. აი ამ დროს ჰაქიაშვილმა მიიძახა: „ეი შენ, სწორედ გეიარეო“. დ. სინჯიკაშვილი, რომელიც მათ მაგიდას უკვე გაცილებული იყო, შემობრუნდა. რადგან მე უფრო ახლოს ვიჯექი, ბეგიაშვილმა მითხრა — „ადექ არ გაუშვაო“ და მეც ერთი პირველთაგანი ვიყავი, რომ გასაშველებლად მივედი.

#### მ. გრიგოლია

შობის ხეზედ მომხდარი უსიამოვნების შესახებ, რადგან ეს ამბავი პრესაშიც აღიძრა, მე ვფიქრობ ყოველი პატიოსანი ქართველის მოვალეობა არის, ინციდენტის უტყუარი სურათი ასახოს. ამიტომ თქვენს შეკითხვაზე პასუხის გაცემა ჩემს მოვალეობათაც მიმაჩნია.

მე ვფიქრობ, რომ ეს ჩხუბი სრულიად შემთხვევით მოხდა. ამას მაფიქრებინებს ის გარემოება, რომ ჩხუბის ინიციატივა თვით „კავკასიელზე“ ეკუთვნის. დარბაზში მე ბ. დ. ბეგიაშვილთან ერთად მივედი. ერთ მკვიდარზე დაგვხვდა ბ-ნი მიშა ლაშქარაშვილი მეუღლეთ. ჩვენც მათ შეუერთდით, ცოტა უფრო გვიან შემოგვიერთდნენ ბ.ბ. მის. გრიგოლია და ი. შინაშვილი. „კავკასიელებმა“ ჩვენს გვერდით მაგინდა მხოლოდ ჩვენს შემდეგ დაიკავეს და ამის გამო ჩვენს მაგიდაზე არაერთარი უსიამოვნება არ შემიმჩნევია. მე პირადათ არც ვიცოდი, რომ ჩვენს გვერდით ბამატის მომხრეები ისხდნენ, რადგან არც ერთ მათგანს ამ დღემდე არ ვიცნობდი.

უფრო გვიან ჩვენს მაგიდასთან ჩამოიარა ბ. დ. სინჯიკაშვილმა, რომელსაც ვთხოვეთ ერთი ქიქა ჩვენთან დაეღია. ის მოვიდა, დღესასწაული მოგვილოცა და ჩვენს თხოვნაზე, რომ ჩვენთან დამჯდარიყო გვიპასუხა: „მეჩქარება, მეგობრები გარეთ მივდიხარ, უნდა გავიქცეო“. დაგვემშვიდობა და წავიდა. უცებ მოგვესმა შეძახილი: „ეი შენ, სწორედ გეიარეო!“ ეს იყო ჭაჭიაშვილი, ის თითის ქნევით იძახდა ამ სიტყვებს. ბ. სინჯიკაშვილი შემობრუნდა და ჭაჭიაშვილს მიმართა შემდეგი სიტყვებით: — „ჭაჭიაშვილო, შენი სიცოცხლე პროვოკატორი იყავი და ეხლაც პროვოკატორი ხარო“... ამ დროს შუაში ჩადგა მის. კედია, და დ. სინჯიკაშვილს შეურაცხყოფელი სიტყვა მიახალა. შემდეგ რაც მოხდა ამის განვითარება იყო.

ყოველივე ეს ჩემი თვლით ვნახე და სრულიად დარწმუნებული ვარ, რომ არაფერი მოხდებოდა ჭაჭიაშვილს რომ არ დაეძახა და უკვე მიმავალი დ. სინჯიკაშვილი არ დაებრუნებია.

დასასრულს უნდა მოგახსენოთ, რომ ჟურ. „კავკასია“ სრულიად ამახინჯებს სინამდვილეს, და ჩემის აზრით ამას შეგნებულად სჩადის, რასაც იმით ვამტკიცებ, რომ ჩხუბის გათავების შემდეგ მე მოვისმინე კიბეზე ჩასვლის დროს, „კავკასიელების“ შემდეგი სიტყვები: გაბაშვილი და ავალიშვილი ეუბნებოდნენ ჭაჭიაშვილს: „სულ შენი ბრალია, რათ დაუძახეო“. ჭაჭიაშვილმა უპასუხა: „რა მექნა, თვალი თვალში გამიყარა, რაღაცა ხომ უნდა მეთქვალ“. აქედან (ახდია, რომ „კავკასიელებმა“ კარგათ იციან რაშიც იყო საქმე, მაგრამ რაღაც მიზნით სულ სხვასა სწერენ.

პატივისცემით ი. ბებერაშვილი



დ. პ. ბატონო რედაქტორო, ვინაიდან არ არსებობს დამოუკიდებელ ნაციონალისტთა ორგანო, გთხოვთ თქვენს ჟურნალში მოათავსოთ ორიოდ სიტყვა განცხადების სახით, 25 დეკემბერს შობის ხეზე მომხდარი ინციდენტის გამო.

ამა წლის №1(20) ჟურნალ „კავკასიაში“ ბ-ნი „ყველგან დამსწრე“ აგვიწერს შემდეგს:

„ის თავნებური თავდასხმა, რომელიც მოახდინეს ბ. სპ. კედიას „ახალი ივერიის“ ახალგაზრდობამ „კავკასიელებზე“ 25 ქრისტიანობი-





სთვეს ქართული კერის შობის ხეზედ, არ იყო არც ქართული ტრადიციული ჩხუბი სიმთვრალეში და არც სპონტანიური აფეთქება, როგორც უყვარს მაღალფარდოვანი ლაპარაკი იმავე გზირების ლიდერს. ეს იყო ხანგრძლივი მომზადებისა, თავშეუღებელი დევნისა და ღვარძლიანი ცილისწამებათა შედეგი საზოგადოებასა და პრესაში. მთავარი სულის ჩამდგმელი ამ ველური კამპანიისა, როგორც ყოველთვის ემიგრაციაში არის ბ. ნ. ჟორდანია თავის ვიწრო ფირალური წრით, ჯერ კიდევ საქართველოდან გამოცდილი ასეთ საქმეშია... „უკანასკნელი აკორდი იყო ბ. პროფესორ მიხეილ წერეთლის პროვოკატორული წერილები, რომელიც ნამდვილ პრელუდიად გადაიქცა უკვე ხელჩართული ხულიგნობისა“ და სხვ.

ბატყეცემულ საზოგადოებასა და შკითხველებს ვავაწნობ, თუ როგორ მოხდა შობის ხეზედ უსიამოვნება. მე როცა დარბაზში შევედი ჯერ კიდევ არ იყვნენ მისული ახალგაზრდა „ივერიელები“ და არც ბამატის თანამშრომლები. ადრე მოვიდნენ „ივერიელები“. ბამატის თანამშრომლები რომ მობრძანდნენ ბავშვების დღესასწაული უკვე გათავებული იყო. შესავალ კარებთან შიგნით პირველ მაგიდას უსხდნენ განსვენებულ ქ. ჩოლოყაშვილის ერთი რაზმელი სამი-ოთხი მეგობრით. მათ გვერდით „კავკასელები“ და შემდეგ იმავე რიგზე „ივერიელები“, რომელთაც ახლდათ ერთი უცხო პირი. ესენი უფრო ადრე მოვიდნენ, სამმა კაცმა მოითხოვა 2 ბოთლი ღვინო და ნელ-ნელა შეექცეოდნენ, წყნარი ხმით. დარბაზში წესრიგი სუფევდა. ზოგი მიდიოდა, ზოგი მოდიოდა, ერთმანეთს სალამს აძლევდნენ და არავითარი უსიამოვნო ლაპარაკი არ მომისმენია არავისგან. სულ ბოლო დროს „ივერიელების“ მაგიდასთან მივიდა მათი მეგობარი დ. სინჯიკაშვილი, მიულოცა დღესასწაული და მათი სადღეგრძელო დალია. მეგობრებმა სთხოვეს დარჩენილიყო, მაგრამ მან უარი უთხრა, დაემშვიდობა და გაემართა კარებისაკენ. ჯერ არ იყო „კავკასელების“ მაგიდიდან შორს დაცილებული, რომ ბ. ქაჭიაშვილი მოედო მზვარის ძქვივითა: „შენ ჰეი, სწორედ გაიარეო!“ მაშინ დ. სინჯიკაშვილი მოუბრუნდა ქაჭიაშვილსა და ცხადა, მას დაუყვირა. ამ დროს მიხ. კელია გადაუდგათ შუაში და „ივერიელს“ სიტყვით შეურაცხყოფა მიიყენა. დ. სინჯიკაშვილს მისცვივდნენ მისივე მეგობრები და ჩქარა გარედ გაიყვანეს. მერე ამბობდნენ, რომ კიბეებზე ერთმა „კავკასელმა“ ივერიელს წიხლი ჩაარტყაო და ამიტომ დაარტყეს ავალოვსა და გაბაშვილსაო. მე კიბეებზე მომხდარი ამბავი არ მინახავს, მხოლოდ ბ. გაბაშვილის ხმა შემომესმა: მეც მჩიხუბებიანო. დარბაზშივე გავონილს მოვახსენებთ. ერთიც მიხ. კელიას მოხვედრია, როცა წინ გადაუდგა და შეურაცხყოფა მიიყენა დ. სინჯიკაშვილს. მე არც ეს შემომჩნებია, რადგან ხალხი უკვე აშლილი იყო. ეს არის სურათი ამ უსიამოვნებისა. რასაკვირველია უყოყმანოდ დასავგომბია არა მარტო ბავშვების დღესასწაულის აფორიაქება, არამედ საერთოდ ყოველი საზოგადოების წესრიგის დარღვევა და აფორიაქება, რასაც კარგა ხანია ეწევა ჩვენი უინაჩო სარდლობა. მაგრამ არა ნაკლებ დასავგომბია ბრალიანის და უბრალოს ერთი მეორეზედ გადაბმა და ყველას ერთბაშად ამოსვრა, როგორც სჩადის „ყველგან დამსწრე“.

„კავკასია“ სწერს „ივერიელებმა“ მოახდინეს თავდასხმაო და ეს იყო ხანგრძლივი მომზადების შედეგიო. ასე რომ ყოფილიყო, მაშინ

მართლა თავდასხმა და ჩხუბი მოხდებოდა. სრულიად ყალბი ბრალდება არის ამ ამბის წინასწარ მოწყობის მტკიცება და სინამდვილეს ძალიან აზვიადებს „ყველგან დამსწრე“. „ეს არ იყო ქართული ტრადიციული ჩხუბიო,“ — თურმე რაც მონდა საკმარისი არა ყოფილა და „ყველგან დამსწრეს“ „ყარაჩოლელი ჩხუბი“ ნდომია. ჩემი შთაბეჭდილებებით ჭკპიაშვილი რომ არ მოსდებოდა შარად ჩხუბი სულაც არ მოხდებოდა და მადლობა დმერთსა და ახალგაზრდათა თავდაქერილობას, რომ ეს ჩხუბი არა ყოფილა მაგარი და „ყარაჩოლელი“.

თუ წინასწარ მომზადებული იყო „კავკასელების“ ცემა, როგორც გვარწმუნებს „ყველგან დამსწრე“, მაშინ რითი ხსნის, რომ მოჩხუბრები თავისმა მეგობრებმა „ივერიელებმა“ შებოქეს და დარბაზიდან წაიყვანეს? რაც შეეხება ბ. ჟორდანიას წრესთან „ივერიელების“ გადაბმას, ესეც უსამართლო და ბრუნდე კალამის საქმეა, თორემ „ივერიელებს“ ყველანი ვიცნობთ და ვიცით, რომ თავიანთი პატიოსანი შრომით სცხოვრობენ და თავის ბედს სხვათა ქონებას არ უკავშირებენ. საზოგადოთ, ყველა ახალგაზრდას მეტი აქვს სათქმელი „ყველგან დამსწრეს“ მიმართ ბ. ჟორდანიასთან კავშირზე და ბევრ სხვაზედაც. რაც შეეხება ოდენკურის ამბავს, ისიც, სავალალოდ, ბნელი პოლიტიკოსების და „ყარაჩოლელი ჩხუბის“ მომხრეთა საქმე იყო და არსებითად იმავე სულსიკვეთების შექმნას ემსახურება „ყველგან დამსწრეს“ წერილი, როცა პროფ. მის. წერეთელსა და სხვებს უდიერ შეურაცხყოფას აყენებს. რას ემართლებიან პროფ. წერეთელს? ანა არ გამოიჯნოდა ბამატის „კავკასიას“ თუ უდიდეს კაცად არ იქნებოდა გამოცხადებული, მაგრამ რას იზამთ, ეს ჭკუისა და გემოვნების, ვალდებულობისა და რწმენის საქმეა ვინ სად უნდა იყოს.

„ყველგან დამსწრე“ თავის მკითხველს არწმუნებს ჩხუბი წინასწარ მოწყობილი იყოვო. ეს რომ დავიჯეროთ, გამოდის, რომ ჭკპიაშვილი მოედო ძეძვად, რომ „მოწყობილი თავდასხმა“ ჩქარა მომხდარიყო და ალბათ, მათ მიერ მოწონებულ „ყარაჩოლელ ჩხუბად“ გადაექცია. „ყველგან დამსწრე“ ვითომ წინააღმდეგია ჩხუბისა და აურსაურისა, მაგრამ მისი წერილის ყოველი პსკარი მკითხველს ყურში აწვეთებს სიძულვილსა და ახალი ჩხუბისა და დავიდარაბის საჭიროებას.

ბ-ნო „ყველგან დამსწრე“ გეტყობათ უხვი წყაროსათვის მივიგნიათ და ემიგრაცია დასაწვავდაც არ გენახებათ, ახალი უსიამოვნების ნაპერწკლებს აფრქვევთ, მაგრამ ქართული თქმულობა ამბობს: ზღვა კოვზით დაიღვეოთ. გაუთავებელი არაფერია. ადრე თუ გვიან დაშრება თქვენი მკვებავი წყაროც და იმ დროზე რომ ესლავე იფიქროთ, გრძობები გონებას დაუმორჩილოთ, თქვენთვის უკეთესი იქნება. კაცი უმაღლური და უნიათო, ორმაგი პოლიტიკის მიმდევარი, თავს ვერ დაიხსნის ბატონის მონობიდან და ვერც ქვეყნის განთავისუფლების საქმეს გამოადგება.

შობის ხეზე დამსწრე მ. ლაშქარაშვილი

## ✓ † გრ. ნადარეიშვილი

გასული წლის დეკემბერში გარდაიცვალა გრიშა ნადარეიშვილი. ის ეკუთვნოდა იმ ქართველ ახალგაზრდათა კადრს, რომელსაც სწამს სამშობლოს მარადიულობა და მისთვის ბრძოლა წმიდა მოვალეობას შეადგენს. მას სწამდა საქართველოს საბოლოო გამარჯვრება და იმ დროისათვის ემზადებოდა. ყოველდღიურ სიღუბეში მან მოახერხა პარიზში უძალდესი განათლება მიეღო, რათა უკეთ ემსახურა მშობელი ქვეყნისათვის, უფრო მეტად გამოსადეგი ყოფილიყო.

მუდამ ჩუმი, დაკვირვებული და თავაზიანი, კეთილი, გულის სიღრმეში ატარებდა სამშობლოს უსაზღვრო სიყვარულს და მისი ზრუნვისა და ფიქრის საგანი მხოლოდ ეს იყო. ალბად ეს რწმენა აძლიოდა სიმტკიცეს ამ ფიზიკურად სუსტ ადამიანს, რომ არც ერთხელ არ ამტყუბნა თავის მიზნებისათვის, რომ არც ერთ ბნელ კომბინაციაში არ ჩარეულიყო, რაც ასე ხშირი არის ჩვენს დაძაბუნებულ ემიგრაციაში. იგი მტკიცეთა და პატიოსნად იცავდა თავის აზრებს. მას ერთნაირად აწუხებდა როგორც გარეშე მტერი ისე შინაური უთანხმოება. მისი მიზანი ქართველთა შორის ზავი იყო და ამ მხრივ საკმაოდ ძლიერ პროპაგანდასაც ეწეოდა.

როდესაც ქართველთა შორის აღმოჩნდნენ ისეთები, ვინც ჩვენს კურთხეულ მიწა - წყალს ბოროტად შეახეს ხელი, გრიშა, როგორც გულწრფელი პატრიოტი, აღშფოთდა და გამცემლების წინააღმდეგ ბრძოლაში აქტიურად ჩაერია. „ახალი ივერიამ“ ქართული პოზიცია დაიჭირა და ამიერიდან მეც თქვენთან მივუღებო — გვითხრა გრიშამ, და მიუხედავად იმისა რომ ის ოფიციალურად ჩვენს წრეს არ ეკუთვნოდა, ჩვენს ჟურნალში მოათავსა წერილი „კავკასის“ მანვე პოლიტიკის შესახებ.

სათნობასთან ერთად გრიშა შეუბრალებელიც იყო, როდესაც საკითხი ქართველ ერსა და ჩვენს ქვეყანას ენებოდა და სწორედ ასეთი შეურთველობით ეკვეთა ამ „ნამდვილ მტერთ“, რომლებმაც „ფართოდ გაშალეს ფრონტი“ საქართველოს წინააღმდეგ.

გრიშა ნადარეიშვილი არის მორიგი მსხვერპლი ჩვენი თაობის მიერ გაღებულ: თაობა დევნილი საქართველოში შემოსეული მტრის მიერ, და დევნილი ემიგრაციაშიც საქართველო წაგებულ ხელმძღვანელობის მიერ.

გრიშას სიკვდილით ჩვენმა რიგებმა დაჰკარგა ჩუმი და ერთგული მუშაკი, მაღალი ზნეობის და უტუნი სულის მებრძოლი მამულიშვილი. საუკუნო იყოს ხსენება შენი.

ირ. პეგიაშვილი

●●●●●

### ქართული ფილმი პარიზში

პარიზის ქართული კოლონია თითქმის მთლიანად დაესწრო 24 თებერვალს ნაჩვენებ ორ ფილმს. პირველი ფილმი იყო რუსული, მაგრამ ქართულ ნარევი, და ერქვა: „პუშკინის მოგზაურობა არზრუმში“; მეორე ფილმი იყო ქართული, მაგრამ რუსულ ნარევი და წარმო-



ადგენდა: „ტარიელის მიერ ქაჯეთის ციხის აღებას“. ეხლავე უნდა ვსთქვათ, რომ ორივე ფილმი იყო ყოველად უშინაარსო და უფერული, და თუ პირველში სიტლანქე და ტენდენციურობა სჭარბობდა, მეორე სრული უვიცობის და უძღურების ნიმუშია. „პუშკინის მოგზაურობა“ არ იყო მოგზაურობის დოკუმენტალური ფილმი, სადაც შეიძლება ბუნების და ხალხის მდიდრად დასურათება (არა ბუნობდალის გარუჯულ გორაკებით და არზრუმის სრიოკი მდამოებებით!), ეს ფილმი არც ისეთი მოგზაურობა იყო, რომელიც სავსეა განცდებით, შთაბეჭდილებებით, თავგადასავლით. არც გარეგნული სილამაზით და არც შინაარსით ის არ იყო საყურადღებო. ისტორიული სინამდვილე მიდგომით და ტენდენციურადაა გადმოცემული: ყოველივე არაბოლ-შევიკური აღმანფოთებელია; ნიკოლოზ პირველის რეჟიმი ნიჟის (პოეტის) თავისუფლებას ზღუდავდა, სდევნიდა, ჯაშუშობდა, მოწინააღმდეგეებს (დეკაბრისტებს) დამარცხებულესაც კი სასიკვდილოდ სწირავდა; თავის ელჩებს სათანადო პატივს არა სცემდა (გრიბოედოვი), ჯარის უფროსები რეგვენები, ლოთები და გარყვნილები იყვნენ, ჯარის კაცები უნეში მცარცელები, უბრალო ხალხი მუდამ ბუხტის მოტრფიალე, პუგაჩოვზედ მეოცნებე და სხვ. სხვის თვალში ბეწვის ძებნა და საკუთარში დირეს ვერ შემჩნევა — ასეთია საბჭოთა ფილმი. ქართველობა იყო ნაჩვენები, როგორც ბატონი თავის შინაყმებს, სატრანაზოდ სტუმრებს აჩვენებს. იმ დროინდელ ტფილისელ ქართველების პუშკინისადმი გადაქარბებული პატივისცემა და ზეიმი, რასაკვირველია, შეგნებული სიყალბეა, ხოლო ქართველი განათლებული და კეთილშობილი ქალის (ასრულის ზურა თოიძე), პუშკინთან სასტუმროს ოთახში მოქცევა — ეს ნამდვილი სიტუტუცე და თავებლობაა. თუ ასე იქცევიან რუსის „კომსომოლები“, ეს როდი ნიშნავს, რომ ასევე იქცეოდნენ ქართველი ქალები, მით უფრო ძველ ტფილისში. პუშკინი (გრიმით და გარეგნობით კარგი) უბრალო ნევრასტენიკათ იყო გამოყვანილი.

მეორე ფილმი, „ქაჯეთის ციხის აღება“ უფრო უარესია, თუმცა რეჟისორი, ბ. მიქაბერიძე, ტარიელი: კონტა ყარალაშვილი, ნესტან-დარეჯანი: თამარ ციციშვილი და სხვა არტისტებიც ქართველები არიან. უმზავსო იყო ფრიდონი, რომელიც ტყის კაცს უფრო ჰგავს ვიდრე რუსთაველის გმირს. ტარიელი (კ. ყარალაშვილი) ვერც გარეგნობით არის დამაკმაყოფილებელი და მისი ბრძოლები საბავშო სურათადაც ვერ გამოდგება (ცხენის შუბლითა და ხმლის ერთი მოქნევით ციხის კარების შენგრევა, ქალღილით ცხენებით კლდეებზე გადაფრენა, ვეება „ქაჯების“ ცხვრევივით დაწყევება, ტარიელისათვის რომ გამარჯვება გაუდღვილებინათ ზოგი „ქაჯი“ უმალ კვდებოდა ვიდრე ტარიელი თავს მოჰკვეთავდა და სხვ.); ზოგიერთი ადგილები კომიკური ხასიათისა უფროა, ვინემ რაინდულისა („ქაჯების“ მიერ ხიდის უქჟუოდ გრძელი ნგრევა, ტარიელის და ნესტანის შეხვედრა და სხვ.); თვით ნესტან დარეჯანი (თ. ციციშვილი) ჩვეულებრივ სინე-ვედეტას უფრო ჰგავს, ვიდრე „ინდოეთის შვილთა მეფეთა მეფის“ ასულს, გულით და სულით, სინაზით, ქჟუით და სიამაყით ქალის საუკეთესო განსახიერებას. ქაჯეთის ციხის აღება, მოკლედ რომა ვსთქვათ; უქჟუოდ და უგემური ფანტაზიაა, სრულიად დაშორებული გენიოს, რუსთაველის უკვდავ თხზულებასთან. ფილმების სონორიზაცია და ლაპარაკი ისეთივეა, როგორიც იყო ევროპაში ამ ათი წლის წინ, მოლაპარაკე ფილმების შემოღების ხანაში.

## ვ ა ზ რ ო ბ ა

დიდი ხანია ევროპის ბაზარზე,  
დაიწყო ვაჭრობა წვრილად და ბითუმად,  
გაიყიდება დღეს თუ არ ხვალ ... ან ზეგ.  
ეს არეინ იცის ზლოტად თუ ლირათუმხად.

იყიდეთ, იყიდეთ დიდი აქვს ლირსება,  
ღვთის მშობლის ქვეყანა, მთები და მინდვრები,  
წითელი ფესკებით ბაზარი ივსება,  
კლუბებში თამაშობს თათრული ლირები.

სამშობლომ დაგვტანჯა პარიზის ქართველნი,  
ვაზეთის ფურცლებზე სიტყვათა სიგრძელით,  
ალაჰს შევმადლოთ თუ გმწყალობს თათრები,  
არქივის უძველეს ყვითელი სიგელით.

გ. ყიფიანი



## „დიდი მართველი“

(უძღვნი ემიგრაციის კალმოსანთ).

გახლავთ გულწრფელი პოლიტიკოსი  
და უცხოეთში ერთგული მუშა,  
მორეკა აზრი როგორც ნიგოზი,  
უგრამატიკოთ მაგრამ რა უშავს.  
მას დაავალეს, მან შეასრულა,  
მუშა შრომაში გახლავთ ქებული.  
კოტა ფერები აკლია სურათს  
მაგრამ ფულებით გამართლებული,  
წინ უდევს შრომით სავსე მაგიდა,  
ჩაუკეტია ოთახის კარი,  
ისმის სიტყვები ასე ამრიგად:  
ის ჯაშუში, ეს ინტრიგანი.  
ასო ასოზე, სიტყვები სიტყვებს.  
მანქანის ძელები ივსება ზეთით,  
მძიმე, წერტილი, წერტილი კითხვებს,  
და ჰა — გამოცხვა მთელი გაზეთი.  
სტრიქონს ვკითხულობთ ჩვენ კიდით კიდე,  
გადაკვარება ზრდილობის ახდა  
გინება ბევრი, გინება კიდევე,  
ეს გახლავთ კალმის ახალი აღთქმა.

გ. ყ.

## ახალი წიგნი

„სახელმწიფო და ერი“, ანჩინ. გვ. 68. გამოცემა დ. ხელოძის.

„ანჩინ“ი ძველი და ბევრისათვის ნაცნობი ფსევდონიმაა. ჩვენ გვახსოვს მისი პირველი წიგნი, სადაც ავტორი, თითონაც სოც. დემოკრატი, ეკამათებოდა სოც. დემოკრატების ერთ ნაწილს, თუ არა ვცდებით, უმთავრესად ბ-ნ ნ. ჟორდანიას, რომელიც მაშინ საქართველოს რუსეთიდან გამოყოფისა და ეროვნული დამოუკიდებლობის მოწინააღმდეგეთა ბანაკს ეკუთვნოდა. შემდეგ მომხდარმა ამბებმა, საქართველოს ისტორიული განვითარების ლოდიაკმ ბ-ნ ნ. ჟორდანიას აზრი შეაცვლევინა და დამოუკიდებლობის დროშის ქვეშ დააყენა. ამ აქტით ბ. ჟორდანიამ თითონვე უარყო ის პოზიცია, რომელსაც „ანჩინ“თან დაპირისპირებაში იცავდა. ჩვენი ახლო წარსულის ეს „ისტორია“, ბუნებრივად, ინტერესს აძლიერებს „ანჩინ“-ის ახალ ნაშრომისადმი.

წიგნაკი ყურადღებით წაგიკითხე და უნდა გამოიტყუდე: „ანჩინ“ისაგან რაღაც სხვაც მოველოდი. ეს არა ნიშნავს, რომ „სახელმწიფო და ერი“ საინტერესო ცდა არ იყვის. ნაშრომში აღძრულია მთელი რიგი მეტად საყურადღებო საკითხებისა და საგანი გაშუქებულია მარტივი ენით, რაც მკითხველს უადვილებს წიგნის წაკითხვას. მაგრამ ავტორს წამოყენებული აქვს იმდენი სადაო დებულება და უდაოდ მისაღებად აცხადებს ისეთ თეორიებს, რომელმაც სპეციალისტების უმრავლესობას უარყოფილი აქვთ.

ავტორს განუზრახავს განემარტა, ან უფრო სწორედ, თავისი აზრი ეთქვა ორი მცნების: — „სახელმწიფო“ და „ერი“ რაობის შესახებ; ამ მიზნით დაწერილ ნაშრომში რატომღაც ჩაჩხირულია ერთი ეპიზოდი საქ. სოც. დემ. პარტიის წარსულიდან, რომელსაც არსებითად, აღნიშნული მცნებების განმარტებასთან არაფერი აქვს საერთო.

„ანჩინ“ის ყველა სადაო დებულების გახილვა დიდ ადგილს მოითხოვდა, ამიტომ ვგეგმით მხოლოდ ძირითად მოსაზრებებს: რა არის ერი და რა არის სახელმწიფო? რომელ მათგანს ეკუთვნის წარმოშობით პირველობა, ე.ი. ჯერ ერი ჩამოყალიბდა და მან შექმნა სახელმწიფო, თუ პირიქით, ჯერ წარმოიშვა სახელმწიფო და მხოლოდ მის საზღვრებში გახდა შესაძლებელი ერის დაბადება? აი, კითხვები, რომელსაც ეხება „ანჩინი“. ავტორის აზრით ჯერ წარმოიშვა სახელმწიფო და მერე ერი: „სახელმწიფო არის დედა, ერი მისი პირმშო“ — ბრძანებს ის.

ამ საკითხზე არსებობს ვრცელი ლიტერატურა და მრავალი ერთი მეორის გამაბათილებელი თეორიები: მეტაფიზიკური სკოლიდან მატერიალისტურ-მარქსისტულ თეორიამდე. ეს უკანასკნელი, ე.ი. მარქსისტული სკოლა ამტკიცებს, რომ ერი და ეროვნული თვითშეგნება ახალი დროის მცნებაა, მისი წარმოშობა იწყება კაპიტალიზმის ჩასახვის დროიდან და, მაშასადამე, უფრო შორეულ წარსულში მათი ნაშთების ძებნა, ზედმეტია. ამ სკოლის აზრით, ვიდრე ხალხი განსაზღვრულ ტერიტორიაზე დაბინავდებოდა, მის დაცვას დაიწყებდა და სამხედრო და ადმინისტრატიული აპარატის ჩანასახს ჩამოაყალიბებდა, ე.ი. ვიდრე სახელმწიფოს ძირითად ატრიბუტებს შექმნიდა — ერი ვერ იქნებოდა. ამიტომ მათი აზრით, ჯერ წარმოიშვა სახელმწიფო და შემდეგ მის საზღვრებში, ხანგრძლივი პროცესის შედეგად, უკვე



ახალ ხანაში, ბურჟუაზიის წარმომადგენელთან ერთად, დაიწყო ეროვნული თვითშეგნების ჩამოყალიბება და ერების კრისტალიზაცია. ასეთი სექტემატიურად, მატერიალისტურ - ბოლშევიკური გაგება. ამ სკოლის მიმდევარი აღმოჩნდა, ჩვენდა სამწუხაროდ, ჩვენი პატივცემული „ანჩინ“ ი. ი. ისიც გვარწმუნებს: ჯერ სახელმწიფო წარმოიშვა და მერე ერიო. ეს დებულება ჩვენ საეჭვოდ მიგვაჩნია. თვალწინა გვაქვს ცოცხალი მაგალითი: ებრაელობას არა აქვს საკუთარი სახელმწიფო და დაფანტულია მთელ დედამიწის ზურგზედ, მაგრამ აქვს ყველა ის სულიერი თვისებები, რომელიც ერს, ეროვნებას ახასიათებს. მაშასადამე, არის შემთხვევა, როცა ერს სახელმწიფო არა აქვს. „ანჩინ“ ის ძირითადი, თუ შეიძლება ითქვას შეცდომა, მცნება „ერის“ არა სწორად გაგებაშია. ხოლო შემდეგ, მცდარ საფუძველზე დაშენებული დასკვნები, რასაკვირველია, სწორი ვეღარ იქნებოდა.

რა არის ერი? არსებობს მრავალი მოსაზრება, მაგრამ ჩვენ დავასახელებთ კლასიკურად მიჩნეულ ფიუსტელ დე კულახეს განმარტებას: — აღამიანები მაშინ გრძნობენ თავს ერთ ერად, როდესაც მათ მოეპოვება საერთო ინტერესები, იდეები, გრძნობები, მოგონებები და იმედები; როდესაც ერთნაირად გრძნობენ ყველაფერს: გამარჯვებებს, დამარცხებებს, სახელს, შეცდომებს, სიხარულს და ტკივილებსაო. მაშასადამე, ერი, უპირველეს ყოვლისა სულიერი მთლიანობაა; ერთიგვებობა ან ნათესაობა მწერლობის, ხელოვნების, მითოლოგიის, გადმოცემების, ზნე-ჩვეულების — ისტორიის. ეს სულიერი მთლიანობა, ნათესაობის გრძნობა, მით უფრო რასიულად მონათესავე ელემენტებში, უთუოდ წინ უსწრებდა ამ ელემენტებისაგან ერთ სახელმწიფოს შექმნას. სწორედ ეს გრძნობა, ნათესაობის შეგნება, გააადგილებდა კიდევ სახელმწიფოს შექმნას. ასე უნდა მომხდარიყო საქართველოშიც. მცხეთის მამასახლისის გაძლიერების ამბავი, რომელსაც „ანჩინ“ იც ვება, სწორედ იმასა მოწმობს, რომ „ქართულთა ნათესაენი“ ე.ი. დღევანდელი ტერმინით ქართველობა, ქართველი ერი, უკვე მისული იყო ერთი სახელმწიფოს შექმნის საქიროების გაგებაში, და ეს მისია შეასრულა სხვებზე უფრო დაჯილდოვებულმა და მონებრებულმა მცხეთის მამასახლისმა. ამრიგად, ჯერ კოლექტივში სულიერი ერთობა — ერის ჩანასახი — და შემდეგ ამ კოლექტივის ცხოვრების ორგანიზაცია, ე.ი. სახელმწიფო და არა პირიქით, როგორც ფიქრობს „ანჩინ“ ი.

შეგვებით კიდევ ერთ დებულებას, რომელიც ამ ნაშრომში, როგორც აღვნიშნეთ, თმით მოთრეულია. ეს გახლავთ მტკიცება, რომ ქართველი სოც. დემ-ბი,მ ართალია, ფორმალურად საქართველოს დამოუკიდებლობას არ ითხოვდნენ, მაგრამ ფაქტიურად, რუსეთის თვით მპყრობელობასთან ბრძოლა, ობიექტიურად ამ მიზანს ემსახურებოდნენო. ამის დასამტკიცებლად სოც. დემ-ბის თვითმპყრობელობის წინააღმდეგ მუშაობის დასახელება, არც ისე ძლიერი საბუთია, რომ „ობიექტიური“ კრიტიკა აიტანოს, და ეროვნულ საკითხში სოც. დემ. პარტიის მაშინდელი პოზიციის გამართლება შესძლოს. ობიექტიურად საქართველოს მიზნისათვის სასარგებლო იყო მუშაობა არა მარტო „ანჩინ“ ი და მისი მეგობრებისა, არამედ იმ დროის ყველა რუსული ობოზიციური ძალებისაც, რომლებიც თვითმპყრობელობას ებრძოდნენ არა ნაკლები ენერგიით. განა ობიექტიურად ჩვენთვის საზარალო

იყო მაგ., რუს ესერების მებრძოლი ორგანიზაციის საქმიანობა? ისინიც ხომ უდაოდ არყვედნენ რუსეთის იმპერიის საფუძვლებს? თვით ლენინის მაშინდელი მუშაობა? ჩვენის აზრით, ბევრად უკეთესი იქნებოდა, რომ ისტორიის გადაკეთების მაგივრად, სოც. დემ-ები გულახდილად და პირდაპირ იტყონენ: დიახ, არ ვიყავით, მაგრამ გავხდით და ვართ დამოუკიდებლობის მომხრეო. ეს მათი ღირსებისა და გულწრფელობის მიჩვენებელიც იქნებოდა. საწინაღმდეგოს მტკიცება უმედვოდ დროის და ეხერავის ხარჯვაა.

### კონსერვატორიაში

ქ-ნ მარგარიტა სალბერგ-განჩაძემ წარჩინებით დაამთავრა პარიზის რუსული კონსერვატორიის პიანოს განყოფილების კურსი. უკანასკნელი გამოცდა, რომელიც ქართული კოლონიის წევრებიც დაესწრენ, ჰქონდა 22 თებერვალს. ქ-ნ სალბერგ-განჩაძემ მშვენივრად შეასრულა მოცარტის, ბეთოვენის, შუმანის, შოპენის, ლისტის და სხვ. ნაწარმოები და აგრეთვე შესანიშნავად დაუკრა, ცალი ხელით, მარცხნით, რეჟერის პრელიუდი და ფუგა, პოლის პოემა და რაველის კონცერტო (ეს უკანასკნელი მეორე როიალის აყოლით). პედაგოგიური საბჭოს და გამომცდელ კომისიის თავმჯდომარემ, კონსერვატორიის დირექტორმა კომპოზიტორმა ბ. ჩერუბინმა თბილი სიტყვით გააცნო საბჭოს დადგენილება: „თქვენი ცოდნა საბჭომ „ხუთი“ ნიშნით დააფასა, რადგანაც რუსულ ხუთნიშნა სისტემაში უფრო დიდი ნიშანი არ მოგვეპოვებოდა. განსაკუთრებით აღვნიშნავთ თქვენი მარცხენა ხელის ზედმიწევნით განვითარებას, რაც დიდ სამსახურს გაგიწევთ თქვენს მუსიკალურ მომავალშიო. მე პირადად მით უფრო მოზარული ვარ, რომ თქვენ იმ მშვენიერი ქვეყნის ასული ბრძანდებით, რომლის მოგონება მე ყოველთვის სიამოვნებას განმაცდევინებსო და სხვ.

გამომცდელმა კომისიამ, დამსწრე საზოგადოებამ და ამხანაგებმა ხანგრძლივი ტაშით დააჯილდოვა ახალგაზრდა ნიჭიერი პიანისტი. ჩვენი უსურვებთ ბრწყინვალე მომავალს და ქართულ მუსიკალურ დარგში ღირსეული წვილილის შეტანას.

ა — ნი

### ეთერ რუხაძის კონცერტი

12 მარტს, გავის დარბაზში მოეწყო 13 წლის ეთერ რუხაძის რესიტალი. მიუხედავად მცირეწლოვანებისა ეთერმა დაუკრა მოცარტის (ფანტაზია), ბახის (იტალიური კონცერტო), მენდელსონის, სენ-სანსის, ვებერის (რონდო), და შოპენის (ტრანტელა; ანდანტე და პოლონეზი). პირველი აქტორები (მოცარტი და ბახი) კარგად იყო შესრულებული. შემდეგში ბავშვს დაეტყო დალილობა, მაგრამ მაინც ორი უკანასკნელი ნომერი (შოპენის) დიდი მონდომებითა და გრძნობით იყო გადმოცემული. განსაკუთრებული სილამაზით და ბავშვისათვის გასაკვირი ტენხივით შეასრულა მან პოლონეზი.

დარწმუნებული ვართ, რომ ამ რიგს გარეშე ნიჭიერი ბავშვის მოვლა და სათანადო პირობებში განვითარება, პატარა ეთერს — ქართული ტიპის ლამაზსა და ნახ ბავშვს — გახდის კარგ არტისტად და სასიქაღულო ქართველ ქალად. ნიჭი თავისას გაიტანს.

ა — ნი